



Аллоҳ таолога энг суюкли ишлардан бири ота-онага итоат этиши, уларга меҳр-шафқатли бўлишидир.

ОТА-ОНА МЕҲМОНДИР

«Биз инсонга ота-онасини (рози қилишни) буюрдик. Онаси уни заифлик устига заифлик билан (корнида) кўтариб юрди. Уни (кўкракдан) ажратиш (муддати) икки йилда (битар). (Биз инсонга буюрдикки) «Сен Менга ва ота-онангга шукр килгин! Қайтиш Менинг ҳузуримгадир» (Луқмон, 14).

Ота-она олдида секин, паст овозда, одоб билан сўзлаш керак. Заруратдан ортиқча гап айтилмайди. Уларнинг исмларини айтиб чақириш мумкин эмас. Кўполлик билан кўнгилларини оғритиши, назарларидан қолиш катта гуноҳлардан саналади. Кўча-кўйда ота-онадан илгари юриш, овқатга улардан олдин қўл узатиши, олдиларида ёнбошлаб олиш одбисизлиkdir.

Аллоҳ таоло марҳамат қиласи: «**Раббиниз, Унинг Ўзигагина ибодат қилишингизни ҳамда ота-онага яхшилик қилишни амр этди.** (Эй инсон!) Агар уларнинг бири ёки ҳар иккиси ҳузурингда кексалик ёшига етсалар, уларга “уф!..” дема ва уларни жеркима! Уларга (доимо) ёқимли сўз айт! Уларга, меҳрибонлик билан, хорлик қанотини паст тут ва (дуода): “Эй Раббим! Мени (улар) гўдаклик чоғимда тарбиялаганларидек, Сен ҳам уларга раҳм қилгин!” де» (ИсроК, 23–24).

Демак, ота-она қарилек ёшига етганида уларга янада шафқатли бўлиш зарур. Кексаларнинг кўнгли худди боланикiday бўлиб қолади. Бундай ҳолатларда имкон борича уларнинг кўнглини оғритмасдан хоҳишларини бажариш, панд-насиҳат қилишса, асло малол олмаслик керак.

Қайси хонадонда ота-она ёки улардан бири тирик бўлса, ўша оиласидаги фарзандлар баҳтилиdir. Чунки уларда кўпроқ савобга эришиб қолиш имконияти бор. Ота-онани тириклигига қадрига етиб, иззат-хурматини жойига қўйганга нима етсин.

Умуман, кексаларимиз борлиги бизнинг катта давлатимиз. Улар гўё уйларимизнинг

фаришталари. Кўпни кўрган бува-бувиilar ёш оиласидар учун ибрат мактаби. Улар набирала-рининг таълим-тарбиясини, одоб-аҳлоқини назорат қилиб, ҳаётий тажрибалари асосида тўғри йўл кўрсатади.

Ота-она вафот этганидан кейин ҳам уларнинг фарзандлар устидаги ҳақлари тугамайди. Васиятларини адо этиши, ҳақларига доим дуода бўлиш фарзандлар бурчидир. Уларнинг қариндошлик алоқаларини давом эттириш, таниган-билган тенгқурларини йўқлаш, меҳмонга чақириш нур устига нур бўлади.

Расулуллоҳ (у зотга Аллоҳнинг
салому ва саломи
бўлсан) ҳузурларига бир киши келиб: “Ё Расулуллоҳ вафотларидан кейин ҳам ота-онамга яхшилик қила оламанми?” деб сўради. У зот (у зотга Аллоҳнинг
салому ва саломи
бўлсан): “Ха, тўрт иш бор, уларни бажарсанг, ота-онангга яхшилик қилган бўласан: улар ҳаққига дуо қилиш, гуноҳларини кечишини Аллоҳдан сўраш, уларнинг насиҳат ва шаръий васиятларини бажариш, дўстбиродарларини иззат-икром қилиш ва ота-она тарафидан бўладиган қариндошликни давом эттириш”, деб жавоб бердилар (*Имом Бухорий ривояти*).

Халқ орасида, ота-она меҳмондир, деган ибратли сўз бор. Вақт ғанимат, азиз меҳмонларингизнинг яхши дуоларини олиб қолишга улгуринг. Уларга нима қилсангиз, эртага фарзандингиздан қайтади. Бу ҳақиқатга ҳаётда кўп гувоҳ бўлганмиз...

Фазлиддин МУСАХОВ,
*Оҳангарон туманидаги “Қурайш” жоме
масжиди имом-хатиби*



ЁЛҒОННИНГ ҲАЗИЛИ БҮЛМАЙДИ

Бир оғайним айтиб қолди: Танишларимдан бири телефонда ташвишли хабар айтди. Бу хабардан аёлим ҳам ғамга ботди. Кўп вақт ўтмай, яна қўнғироқ қилди, ҳали айтган совуқ гапим ҳазил, биринчи апрел муносабати билан ёлғон гапирудим, деди. Мен эсанкираб қолдим. Шунақа ҳам ҳазил қиласдими, деб ғазабландим.

Ёлғончилик жуда ёмон хулқ, у инсонни дўстларидан узоклаштиради. Ислом динида истисноли ўринлардан бошқа пайтда ёлғон гапиришга мутлақо рухсат берилмаган. Пайғамбаримиз (у зотга Алоҳининг салоти ва саломи будини) одамларни кулдириш мақсадида ёлғон гапиришдан ҳам қайтаргандар: “Гапириб қавмни кулдириш учун ёлғон гапирадиган кимсага ҳалокат бўлсин, ҳалокат бўлсин, ҳалокат бўлсин...” (*Илом Абу Довуд, Термизий, Насоий ривояти*). Бошқа бир ҳадисларида: “Банда ростгўй бўлса ҳам, мазах ва жанжалда ҳам ёлғонни тарқ қилмагунича комил мўмин бўлолмайди”, деганлар (*Илом Аҳмад, Табароний*).

Абдураҳмон ибн Абу Лайлодан ривоят қилинади: Саҳобалар бизга гапириб беришди: Улар Набий (у зотга Алоҳининг салоти ва саломи будини) билан йўлга чиққанларида, йўлда бир киши ухлаб қолди. Бошқалар ухлаб қолган кишининг арқонини (ҳазиллашиб) олиб қўйишганида, у кўрқиб кетди. Шунда Расулуллоҳ (у зотга Алоҳининг салоти ва саломи будини): “Мусулмонга мусулмонни қўрқитиш ҳалол эмас”, дедилар (*Илом Абу Довуд*).

Абдуллоҳ ибн Соиб ибн Язиддан қилган ривоятда: Расулуллоҳ (у зотга Алоҳининг салоти ва саломи будини): “Хеч бирингиз биродарининг буюмини ҳазиллашиб ҳам, чиндан ҳам олиб қўймасин”, деганлар, (*Илом Термизий ривояти*).

Сизни тинглаган, ишонч билдирган кишини алдаш хиёнатдир. Ҳадисда: “Биродарингиз гапингизга ишониб турганида, сиз уни гапингиз билан алдашингиз қандай катта хиёнатдир”, дейилган. (*Илом Аҳмад ва Табароний ривояти*).

Кўпинча ҳазиллар, ёлғонлар сабабли кўнгилхиралик юз бериб, ҳатто оилалар ўртасига совуқчилик тушиши мумкин. Бундай иллатлардан йироқ бўлайлик.

Кудратуллоҳ СИДДИҚМЕТОВ,
Кўкаaldoши мадрасаси мударриси,
“Аҳмаджон қори” жоме масжиди имом-хатами

«HIDOVAT»

Ойлик диний-маърифий,
илмий-адабий нашр

Муассис

Ўзбекистон мусулмонлари идораси

Бош муҳаррир

Нуруллоҳ МУҲАММАД РАУФХОН

Таҳрир ҳайъати

Усмонхон АЛИМОВ

Абдулазиз МАНСУР

Абдураззоқ ЮНУС

Ортиқбек ЙОСУПОВ

Анвар ТУРСУН

Аҳад ҲАСАНОВ

Зоҳиджон ИСЛОМОВ

Абдулҳамид ТУРСУН

Хайдархон ЙЎЛДОШХЎЖАЕВ

Баҳодир КАРИМОВ

Эркин МАЛИК

Муҳаммад Шариф ЖУМАН

Исомиддин ОЛИМОВ

Абдул Жалил ХЎЖАМ

(Бош муҳаррир ўринбосари)

Муҳтарама УЛУГОВА

Муқова

«Voris Design» маркази билан
ҳамкорликда тайёрланди.

Бадиий муҳаррир

Хайруллоҳ ҚУДРАТУЛЛОҲ ўғли

Саҳифаловчи

Бахром ИКРОМОВ

Матнни

Рахима КАРИМЖОН кизи
терди.

Манзилимиз

100002, Тошкент шаҳри

Зарқайнар 18-берк кўча 47^а-йи;

Тел: 240-05-19, 227-34-30.

Интернет сайтимиз: www.hidoyat.uz

Интернет почтамиз: m-nashr@yandex.ru

Ўзбекистон Республикаси Матбуот ва

ахборот агентлигига рўйхатга олинган.

Гувоҳнома рақами 0177.

Босишга 2012 йил 24 апрелда рухсат берилди.

Босмахонага 2012 йил 25 апрелда топширилди.

Қоғоз бичими 60x841/8. Адади 49.500 нусха.

2282-сон буюртма. «Sharq» нашриёт-матбаа

аксиядорлик компаниясида босилди. Тошкент шаҳри, Буюк Турон кўчаси, 41.

Кўллэзмалар қайтарилмайди.

Муаллифлар фикри таҳтирият нуқтаи назаридан
фарқ қилиши мумкин. Келтирилган иқтибос ва
ракамлар учун муаллиф масъул. Ҳат юборилгани
да исмлар тўлиқ, манзил аниқ ёзилсин. Мақолалар
кўчириб босилса ёки иқтибос олинса, «Хидоят»дан
олингани кўрсатилиши шарт.

МУНДАРИЖА	
Яхшиликка чақириши	
Фазлиддин МУСАХОВ	
Ота-она меҳмондир	1
Таянч нуқта	
Қудратуллоҳ СИДДИҚМЕТОВ	
Ёлғоннинг ҳазили бўлмайди	2
Идора ҳаёти	
Ибодулло АҲРОРОВ	
Саудияга сафар. Меҳмонларимиз	4
Яхшиликка чақириши	
Зиёдулло РЎЗИҚУЛОВ	
Қалб таскини	6
Диний идорамизнинг 70 ийлиги	
Икром МАРДОНОВ	
Хуқуқий билимлар ҳаммага фойдали	7
Мунаффар олам	
“Оилада фарзанд тарбияси”	8
Санъат	
Навоийни севган хаттот	9
Бугуннинг гапи	
Осмондан туширилган, лекин ўлчовли... ...	12
Журналхон илҳоми	
Сувни қадрланг. Илтижо	13
Халқона ўғитлар	
Момоларимиз айтади...	
Ҳасанхон АБДУМАЖИДОВ	
Ҳаётимиз муҳофазаси	15
Олисларга саёҳат	
Танзания Бирлашган Республикаси	16
Тарбия	
Фарзандингизга дўст бўлинг	18
Адабий таҳлил	
Обидхон ИКРОМОВ	
Зарбулмасал санъати	19
Хотира	
Амирсаидхон УСМОНХЎЖАЕВ	
Шамсиддинхон Бобохонов ибрати	22
Шеърият	
Эргаш ИБРОҲИМОВ	
Баҳор. Тўртпиклар. Соғинч	
Абдувоҳид ЎРОЗОВ	
Ризо истаб келдим.	
Ватан недир. Онажоним.....	24
Долзарб мавзу	
Бахтиёр КАРИМОВ	
Маънавий таҳдиidlар ва миссионерлик	26
Ислом уламолари	
Бобур ТОШПЎЛАТОВ	
Имом Нававий	27
Маъдумотхона	
Абдумалик ТЎЙЧИБОЕВ	
“Ал-мабсүт” – фикҳ қомуси	28
Машҳур аёллар	
Жаҳон Оро бегим	29
Машҳур кутубхоналар	
Британия кутубхонаси	30
Байналмилат маданият маркази 20 ёида	
Насриддин МУҲАММАДИЕВ	
Аҳилликда хикмат кўп	31
Кўрик-танлов	
Ғолибларни қутлаймиз	32

**Ҳадис шарҳи
Одилхон ИСМОИЛОВ**

**ПАЙГАМБАРИМИЗ
(алайхиссалом)
СҮЙГАН ИШ**

“Мен Ойшадан (алдоҳ роза)：“Набий (у зотга Аллоҳининг салоти ва саломи бўлсин) уйга кирсалар, ишни нимадан бошлар эдилар?” деб сўраганимда, “Мисвок (ишлатиш) билан”, деб жавоб бердилар” (Муслим, Абу Довуд, Насойи, Ибн Можа ва Аҳмад). Бу ривоятдан мисвок ишлатиш факат таҳорат ва намоз вактига боғлиқ эмаслигини билиб оламиз. Расулуллоҳ (у зотга Аллоҳининг салоти ва саломи бўлсин) оила аъзоларига чиройли суратда юзланиш учун уйга киришлари билан мисвок қилганлар.

**Мазҳабимизни ўрганамиз
Алоуддин КОСОНИЙ**

ҒУСЛ ҲУКМЛАРИ

Ғуслда баданнинг ичкарисидан хисобланган оғиз-бурунни чайқаш фарз. Демак, бутун баданга сув етказиши ва оғизни чайиш, бурунни ачиштириб чайқаш фарз бўлди. Агар оғиз ва бурун чайқалмаса, бутун бадан неча марта ювилса ҳам, ғусл адо бўлмайди.

Масала

СЎРАГАН ЭДИНГИЗ

Киблага қараб ўтирган ё турган кишининг ортида намоз ўқиса бўлади. Аммо намозхонга юзланиб турган ёки уни ибодатдан чалғитадиган даражада баланд овоз билан гаплашаётганлар ёнида, кибла тарафида ухлаб ётган киши қаршисида ўқиши макруҳdir (“Шарҳи Аврод”).

Хабарлар

**“ЗАЙТУНА” ИСЛОМ
УНИВЕРСИТЕТИ**

Туниснинг минг йиллик тарихга эга “Зайтуна” Ислом университети салкам эллик йилдан сўнг қайтадан иш бошлади. У ўтмишда Миср Араб Республикасининг “Ал-Азҳар” халқаро Ислом университети даражасидаги билим ўчоги эди. Бу даргоҳда Ислом тарихи, фикҳ, ақоид, тафсир, араб тили грамматикаси ва тиббийёт фанларидан чукур сабоқ берилган. Университет айрим сабабларга кўра, 1964 йили ёпилган эди.

10

14

21

Муқованинг I-саҳифасида: “Тоғ жилгаси”.

Абдугани ЖУМАЕВ суратга олган.

ПАЙГАМБАРИМИЗ (алайҳиссалом) СҮЙГАН ИШ

Абдуллоҳ ибн Амр (Аллоҳ ундан рози бўлди) ривоят қиласиди: Расулуллоҳ (у зотга Аллоҳнинг салоти ва саломи бўлди): “Агар умматимга қийин қилиб қўй(ишини ўйла)маганимда, уларни саҳарларда, албатта, мисвок қилишига буюрган бўлардим!” дедилар (Абу Нуайм). “Худди котиб қулогига қалам қистирганидек, Набий (у зотга Аллоҳнинг салоти ва саломи бўлди) ҳам қулоқларига мисвок қистириб олар эдилар” (Байҳакий).

Расулуллоҳдан (у зотга Аллоҳнинг салоти ва саломи бўлди) ўрнак олиб, сахобалар ҳам мисвок тутишга катта эътибор беришган. Микдом ибн Шурайх ибн Ҳониъ Ҳорисий отасидан ривоят қиласиди: “Мен Оишадан (Аллоҳ ундан рози бўлди): “Набий (у зотга Аллоҳнинг салоти ва саломи бўлди) уйга кирсалар, ишни нимадан бошлар эдилар?” деб сўраганимда, “Мисвок (ишлатиш) билан”, деб жавоб бердилар” (Муслим, Абу Довуд, Насоий, Ибн Можса ва Аҳмад). Бу ривоятдан мисвок ишлатиш фақат таҳорат ва намоз вақтига боғлиқ эмаслигини билб оламиз. Расулуллоҳ (у зотга Аллоҳнинг салоти ва саломи бўлди) оила аъзоларига чиройли суратда юзланниш учун уйга киришлари билан мисвок қилганлар. Аллома Муновий бунга қуидагича далил келтиради: “Мусулмон киши уйга кирганида ахлига салом бериши керак. Саломда Аллоҳнинг исми бор. Аллоҳнинг исми эса фақат пок оғиз билан айтилади”.

Зайд ибн Холид Жуҳаний (Аллоҳ ундан рози бўлди) ривоят қиласиди: “Расулуллоҳ (у зотга Аллоҳнинг салоти ва саломи бўлди) мисвок қилмасдан туриб, намоз ўқиш учун ташқарига (яъни, масжидга) чиқмасдилар” (Табароний). Баъзи уламолар ушбу ҳадисни далил қилиб: “Уйда ёки масжидга кирмасдан олдин мисвок қилиб олингани маъқул”, дейишган.



Тунги уйқудан таҳажҷуд ёки бомдод намозларига турилганида мисвок қилиш Расулуллоҳ (у зотга Аллоҳнинг салоти ва саломи бўлди) суннатларига мувофиқдир. Гарчи ҳадисда тунги уйқу на зарда тутилган бўлса-да, умуман, кундузги уйқудан кейин ҳам мисвок қилиш яхшидир.

Ойша (Аллоҳ ундан рози бўлди) айтади: “У зотнинг таҳорат суви ва мисвоклари тайёрлаб қўйилар эди. Тунда уйқудан уйғонганларида, олдин ҳожатга бориб, сўнгра мисвок ишлатар эдилар” (Абу Довуд).

Жума куни мисвок ишлатиш ҳақида ҳам алоҳида таъкидланган. Чунки бу куни мўмин-мусулмонлар жума намозини ўқиш учун масжидга тўпланишади.

Ибн Умар (Аллоҳ ундан рози бўлди) ривоят қиласиди: “Расулуллоҳ (у зотга Аллоҳнинг салоти ва саломи бўлди) мисвокни ёnlарига хозирлаб қўйган ҳолда ухлардилар.

Уйқудан уйғонганларида ишни мисвок қилишдан бошлар эдилар” (Аҳмад, Абу Яъло ва Табароний).

Расулуллоҳ (у зотга Аллоҳнинг салоти ва саломи бўлди) эртаю кеч жиддий аҳамият берган нарсага бизлар ҳам эътибор қаратишимиш зарур. Бу эса ўз ўрнида тишларни тоза тутиш ўта фазилатли амал эканига ишорадир.

Одилхон ИСМОИЛОВ,
Тошкент шаҳри “Шайх Зайнiddин” жоме
масжиди имом-хатиби



Саудияга сафар

Шу йил 24–31 март кунлари Саудия Арабистони Подшоҳлигининг Ҳаж ишлари вазирлиги таклифига биноан Ўзбекистон мусулмонлари идораси раиси, муфтий Усмонхон Алимов, раис



ўринбосари Айдарбек Туле-
пов, фатво бўлими бошлиғи
Абдулҳамид Турсунов, Дин
ишлари бўйича қўмита раи-
си Ортиқбек Юсупов Саудия
Арабистонида хизмат сафа-
рида бўлишди.

Вакилларимиз ҳаж назо-
рати ва унга тобе муассаса-
лар, ширкатлар билан 2012 йил-
ги ҳаж мавсумига доир шартнома ва
битимлар тузиш мақсадида Бир-
лашган вакиллilik-
лар миллий муас-
сасининг Мадина шахридаги
шўъба ҳайъати аъзолари билан,
Ҳаж ишлари ва-

зир Бандар ибн Мұхаммад Ҳажжор билан, Бирлашган вакилліклар уюшмаси раҳбари Форук Солих Абу Зайд бошлық ҳайъат аъзолари билан, Туркия, Оврупа, Америка ва Австралия ҳожиларига хизмат күрсатувчи миллий муассаса ҳайъати аъзолари билан учрашишди. Макка шаҳри транспорт хизмати қасаба уюшмаси аъзолари билан ҳам шартномалар имзоланди. Шунингдек, вакилларимиз бу йилги ҳаж мавсумида ҳожиларимиз яшаши учун ижарага олинадиган меҳмонхоналар шароитлари билан танишишди, таклиф ва мuloҳазалар билдиришди.

Ибодулло АҲРОРОВ

МЕҲМОНЛАРИМИЗ

Шу йил 4 апрел куни Сингапур Республикаси ташки ишлар вазири Масагос Зулкифл бошлиқ меҳмонлар Сингапур Республикасининг Ўзбекистондаги Фавқулодда ва Мухтор элчиси Зулкифлий Баҳаруддин ва Ўзбекистон ташки ишлар вазирлиги ходими Нуриддин Убайдуллаев ҳамроҳлигига “Ҳазрати Имом” мажмуасига келишиди. Меҳмонлар мажмуадаги тарихий ёдгорликларини томоша қилишди. Ўзбекистон мусулмонлари идораси кутубхонасида сақланётган ҳазрат Усмон Мусҳафи ва бошқа нодир қўлёзмалар тарихи билан танишишди. Сингапур Республикаси ташки ишлар вазири Масагос Зулкифл кутубхонага Сингапурда нашр қилинган Куръони каримнинг митти нусхаси ва эсадалик совғасини топширди.

5 апрел куни Кипр Республикаси ташқи ишлари вазири Эрато Козак Маркулис хоним бошлиқ меҳмонлар “Ҳазрати Имом” мажмуасига келишиди. Меҳмонлар “Ҳазрати Имом” мажмуасидаги тарихий обидаларни, янги бунёд этилган биноларни томоша қилишиди. Кипрлик меҳмонлар “Бароқхон” мадрасасида халқ амалий санъати намуналари билан танишишиди.

Ўзбекистон мусулмонлари идораси кутубхонасида сақланаётган ҳазрат Усмон Мусҳафини зиёрат қилишди. Кипр ташқи ишлар вазири Эрато Козак Маркулис хоним таассурутлари ҳақида, жумладан, бундай

дай деди: “Юртингизга ке-
лишимдан олдин бу диёр
ҳақида оз нарса билар эдим.
Энди ўша билғанларим кат-
та денгиздан қатра эканига
амин бўлдим. Чиндан хам
Ўзбекистон қадимий Тош-
кент, кўхна Самарқанду Бу-
хоро, Хива каби бой тарихга
эга шаҳарлари билан гўзал ва
обод экан. Юртимга қайтгач,
ватандошларимга албатта бу
диёрни зиёрат қилиш керак-
лигини таъкидлайман”.

Мухбиримиз



Истиғфор банданинг Яратганга илтижо қилиб, билиб-билмай қилган гуноҳларини кечиришини сўрашидир. Аллоҳ таоло бундай марҳамат қиласи: “Бас, дедимки: “Раббингиздан мағфират сўрангиз! Албатта, У (бандаларига нисбатан) ўта кечиримли зотдир. (Шунда, яъни истигфор айтсангиз) устингизга осмондан (баракали) ёмғир ёғдиур, сизларга мол-дунё, фарзандлар билан мадад берур ҳамда сизларга боғлар (барпо) қилур ва сизларга анҳорларни (ато) қилур” (Нуҳ, 10–12).

ҚАЛБ ТАСКИНИ

Пайғамбаримизнинг (у зотга Аллоҳнинг салоти ва саломи бўлсин) олдинги ва кейинги гуноҳлари кечирилган бўлса-да, истигфор айтишни сира канда қилмаганлар. Ибн Умардан (Аллоҳ уздан рози бўлсин) ривоят килинади: “Расууллоҳнинг (у зотга Аллоҳнинг салоти ва саломи бўлсин) бир мажлисда юз марта: “Раббим, мени мағфират қил, тавбамни қабул эт. Ҳақиқатда сен тавбаларни қабул этгувчи раҳмли Зотсан”, деганларини санадик” (Абу Довуд ва Термизий).

Пайғамбаримиз (у зотга Аллоҳнинг салоти ва саломи бўлсин) бир ҳадиси шарифда бундай деганлар: “Ким истигфорни кўп айтса, Аллоҳ таоло ун-

га ҳар бир танглиқдан чиқиш йўлини очади, ҳар турли ғамдан енгиллик, ҳеч бир ўйламаган томонидан ризқ беради” (Абу Довуд ривояти).

Истиғфор чин дилдан айтилиши керак. Ҳазрат Али (Аллоҳ уздан рози бўлсин) бир куни масжидда ўтириб, ўзича баъзи сўзларни шошапиша айтиётган кишини кўриб қолдилар ва сўрадилар:

– Эй биродар, нималар деяпсиз?

– Истиғфор айтяпман, – деди у.

Шунда ҳазрат Али (Аллоҳ уздан рози бўлсин):

– Сиз айтиётган истигфордан истигфор қилиш керак – деб айтдилар.

Ҳадиси шарифларда айтилганидек, бандасининг бир ёмон иш қилиб, кейин пушаймон бўлиб, истигфор айтишидан Аллоҳ таоло севинади. Тавба қабул бўлишининг шарти эса кейин ўша хатога, гуноҳ ишга қайтмаслиkdir.

Расууллоҳ (у зотга Аллоҳнинг салоти ва саломи бўлсин) умматларига кўп-кўп истигфор айтишни тавсия қилганлар. Жумладан, “Сайи-

дул истигфор” дуоси ҳақида бундай деганлар: «Ким “Сайидул истигфор”ни кечки пайт айтиб, шу куни вафот этса, жаннатга киради. Ким тонгда айтиб, шу куни вафот этса, унда ҳам жаннатга киради».

Бу дуо қуйидагича: «Ё Аллоҳ, Сен Парвардигоримсан, Сендан бошқа илоҳ йўқ. Мени яратдинг ва мен Сенинг қулингман. Мен Сенга берган ваъдамда ва Сенга берган аҳдимда қодир бўлганимча турибман. Сендан қилган ишларимнинг ёмонлигидан мени асрашингни сўрайман. Менга ато қилган неъматларингга икрор бўлдим. Ва гуноҳларимга ҳам икрор бўлдим. Менинг гуноҳларимни кечир. Чунки Сендан бошқаси гуноҳларимни кечира олмайди» (И мом Бухорий ривояти).

Истиғфор айтиш билан банда Яратганга яқин бўлади ва кўп марҳаматларга эришади. Самимий айтилган истигфор билан қалб таскин топади.

Зиёдулло РЎЗИҚУЛОВ,
Денов тумани “Абу Ҳанифа”
жоме масжиди имом-хатиби



ХУҚУҚИЙ БИЛИМЛАР ҲАММАГА ФОЙДАЛИ

Истиқолимизнинг дастлабки кунлариданоқ жамият ҳаётини барқарор изга солиши, бошқарувни демократлаширишига йўналтирилган ислоҳотлар босқичма-босқич амалга ошириб келинмоқда. Кўхна тарих олдида қисқа бўлган бу даврда амалга оширилган эзгу ишлар, давлат ва жамият ҳаётидаги муваффақиятларнинг қай бирини олмайлик, уларнинг манбаи, кафолати юртимиздаги тинчлик ва барқарорлик эканига амин бўламиз.

Мустақиллик туфайли Диний жамоалар, ташкилотларга қонун доирасида очиқ иш юритиш имконига эга бўлди. Фуқароларимизга диний таълим олиш, хайрия ишларини олиб бориш, зиёратлар ташкил этиш, турли динлар, конфессиялар орасида мулоқот ўрнатишида тенг ҳуқуқлар берилди. Ўзбекистон Республикасининг “Виждон эркинлиги ва диний ташкилотлар тўғрисида”ги Қонуни қабул қилиниб, эътиқод эркинлиги кафолатланди. Ушбу қонун ҳар бир шахснинг виждон эркинлиги ва диний эътиқод масаласида фуқароларнинг тенглигини таъминлайди, шунингдек, диний ташкилотларнинг фаолияти билан боғлиқ муносабатларни тартибга солади.

Ўзбекистон мусулмонлари идораси диёримиз мусулмонларини бирлаштирувчи, маънавий раҳбарлик ва ҳомийлик қилувчи марказий диний ташкилот ҳисобланади. Ўзбекистон мусулмонлари идораси Қуръони карим, ҳадиси шариф, ҳанафий мазҳабимиз ҳукмлари асосида фаолият олиб боради, мамлакатимиздаги бағрикенгликни қўллаб-куватлайди.

Диний идорамиз тизимида ходимлар ва талabalарнинг ҳуқуқий билимларини оширишга катта эътибор бериляпти. Мұхтарам Юртбошимиз ташаббуси билан ташкил этилган “Имом Бухорий” Халқаро марказида диний идора тизимидағи ташкилотлар, яъни масжидлар имом-хатибларининг 914 нафари билим ва касб малакаларини оширишди.

Тўққиз ҳафталик ўқув жараёнида имомларимиз йигирма соатдан ортиқ дарс жараёнларида Ўзбекистон Конституциясини, Қонун ва фармонларни ўрганишади, ҳуқуқий билим малакаларини оширишади. Жумладан, ўқув машғулотларида имом-хатиблар “Ҳукуматимиз томонидан Ўзбекистон Республикаси фуқароларининг виждон эркинлиги кафолатланиши”, “Ўзбекистонда диний ташкилотларни рўйхатга олиш тартиби”, “Ҳуқуқий давлат ва фуқаролик жамияти вазифалари”, “Инсон ҳуқуқ ва манбаатларини қонуний ҳимоя қилиш тартиби”, “Фуқароларнинг Конституция ва қонунларда мустаҳкамланган ҳуқуқ ва эркинликлари” каби мавзуларда маъruzалар тинглашади. Шунингдек, масжидларда иш юритиш ва хужжатлар билан ишлаш борасида мукаммал маълумотга эга бўлишади. Ўқув жараёни охирида фанлар бўйича мутахассислар имтиҳонидан ўтишади. 2011 йили масжидларда иш юритиш бўйича маҳсус қўлланма нашр этилиб, барча масжидларга берилди. Жорий йилдан бошлаб Юртбошимизнинг “Истеъод” жамғармаси масофали ўқитиши марказида “Таълим муассасалири бошқаруви” курси бўйича диний билим юртлари раҳбарларининг малака ошириши йўлга қўйилди.

Диний илм масканларида ижтимоий фанлар қатори ҳуқуқшунослик фани хам ўқитилади. Жумладан, Тошкент Ислом институтининг ўқув дастурида 114 соат дарс



Ўзбекистон Республикаси Конституциясини ўрганишга ажратилган. Ислом ҳуқуки, хусусан, фиқҳни ўрганишга 408, ақоид, фароиз каби фанларга 749 соат дарс ажратилган. Ислом ўрта маҳсус билим юртларида ушбу фанларни ўрганиш учун салкам 740 соат ажратилган. Буларнинг барчаси талабаларнинг, яъни бўлгуси имом-хатиб ва мударрисларнинг ҳуқуқий саводхонлигини оширишга қаратилган эътибор натижасидир. Вазирлар Маҳкамасининг “Дин соҳасидаги маънавий-маърифий, таълим ишларини ва фаолиятни янада такомиллаштиришда ижтимоий қўмак ва имтиёзлар бериш тўғрисида”ги қарори билан 2003 йилдан бошлаб Ислом институти ва ўрта маҳсус билим юртлари битирувчиларининг дипломлари давлат таълим ҳужжати сифатида эътироф этилиб, уларга олий таълим тизимида ўқишини давом эттириш ҳуқуқи берилди.

Юртимизда шаръий никоҳ ўқилишини расмий имомлар амалга оширишини таъминлаш мақсадида Ўзбекистон мусулмонлари идораси “Шаръий никоҳдан ўтиш одоблари” ҳақида Фатво (1996 йил 9 июн) қабул қилган. Ноқонуний тарзда шаръий никоҳ ўқилиши олдини олиш ва оталикни белгилашда юзага келаётган муаммоларни бартараф этиш мақсадида 2007 йил 24 апрелдан маҳсус никоҳнома қоғозини амалга киритди.

Барча масjidларда Ўзбекистон мусулмонлари идораси буйруғи асосида ишлаб келаётган имом-хатиблар, уларнинг ноиблари билан идора ўртасида меҳнат қонунчилигида белгиланган намунада меҳнат шартномалиари тузилган, меҳнат дафтарчаларини юритиш йўлга қўйилган. Масjidларнинг республика миқёсида бир хил намунада ҳисбот бериши жорий этилди. Ҳисботларнинг тўғри ва ўз вақтида топширилишини идоранинг тафтиш хайъати назорат килади.

Хулоса ўрнида шуни айтиш мумкин, динларро ва миллатлараро бирлик ҳамда фуқаролар виждан ва эътиқод эркинлиги таъминланган шароитда диний идорамиз ҳуқуқий демократик, фуқаролик жамиятини қуриш, ёш авлодни Ватанга садоқат руҳида тарбиялаш, аҳолининг маънавий дунёсини бойитиш ишига муносиб ҳисса қўшиб келмоқда.

Икром МАРДОНОВ,
Ўзбекистон мусулмонлари идораси ҳуқуқшуноси


“ОИЛАДА ФАРЗАНД ТАРБИЯСИ”

Ота-она фарзандларига қолдирадиган энг яхши мерос бу чиройли хулқдир. Чунки фарзанд ота-онасининг мол-давлати билан баҳтли бўлмаслиги мумкин, лекин улардан яхши тарбия кўриб, гўзал одобларни ўрганса, ҳар қандай ҳолатда тўғри йўл тутиб, ўзини баҳтиёр ҳис қила олади. Хурмат-эътибор қозониб, муносиб ўрнини топади, охиратда эса юксак даражаларга кўтарилади, Аллоҳ таоло розилигига эришади. Бунинг учун ҳар бир ота-она, мураббий динимизнинг шу тўғридаги кўрсатмаларига риоя этиши керак.



Ўзбекистон мусулмонлари идораси раиси, муфтий Усмонхон Алимовнинг “Мовароуннаҳр” нашриёти чоп эттирган “Оилада фарзанд тарбияси” туркумидан иккинчи китоби бу борада жуда зарур ва фойдали кўлланмадир. 240 саҳифали китобда болалар тарбиясининг энг муҳим ва нозик жиҳатлари, уларни турли заарарли одатлардан ҳимоя қилиш йўллари оятлар, ҳадислар асосида баён қилинган.

Жамшид ШОДИЕВ
тайёрглади.



Ноёб мерос сифатида бизга етиб келган қўлёзмаларни ўрганар эканмиз, ўтмишда кўп улуғ хаттолар ўтганини кўрамиз. Уларнинг машаққатли меҳнати туфайли турли асарларнинг қўлёзма нусхалари юзага келган. Шарқ олим ва шоирларининг асарларини ардоклаган ва улардан нусхалар кўчириган ана шундай ажойиб хаттолардан бири Мухаммад Юнус котиб эди.



Буюк ўзбек шоири ва мутафаккири Алишер Навоий асарларини Тошкентда ҳам асрлар оша жуда кўп хаттолар кўп нусхаларда кўчиришган. Улар орасида атоқли хаттот Мухаммад Юнус котиб кўчириган қўлёзма нусхалар алоҳида ажралиб туради. Мухаммад Юнус котибнинг отаси Мухаммад Бобожон ва ўғли Мухаммад Яхё ҳам хаттот бўлган. Асли шахрисабзлик хаттот Тошкентга келиб, Қашқар маҳалласида бир неча йил истиқомат қиласиди. Мухаммад Юнус котиб насх, настаълик ва шикаста хатларини ёзишига моҳир эди. У араб ва форс тилларини яхши билган. Мухаммад Юнус котиб Алишер Навоийнинг машҳур “Хамса”, “Маҳбуул кулуб”, “Лисонут тайр”, “Мажолисун нафоис”, “Фаройибус сифар” ва бошқа асарларидан бир неча нусхалар кўчириган. Мухаммад Юнус Тошкентда кўчириган “Хамса”нинг иккни нусхаси дикқатга сазовордир.

Улардан бири 1861–1863 йиллар орасида китобат қилинган. “Хамса”га киритилган ҳар бир достоннинг охирида мазкур нусхани Тошкент шаҳрида шахрисабзлик Мухаммад Юнус котиб кўчиргани кўрсатиб ўтилган.

Ушбу нусхага Мухаммад Юнус котиб Алишер Навоийнинг “Маҳбуул қулуб”, “Лисонут тайр” асарларини ҳам киритади. “Лисонут тайр” асари сўнгидга эса: “Бу муazzам ва мукаррам нусха Навоий ва Фоний тахаллусли ҳазрат Амир Алишернинг “Лисонут тайр”

асари, 1280/1863 йили Тошкентда факир ва ҳақиқи Мухаммад Юнус валади Мухаммад Бобожон Шахрисабзий қўлида таҳрир топди”, деб қайд этади.

Иккинчи нусха 1872–1873 йили кўчирилган бўлиб, асар бошланишида икки саҳифага бадиий лавҳа ишланган. “Хамса”даги беш достоннинг илк саҳифаларига ҳам алоҳида алоҳида бадиий лавҳалар чизилган. Асар ажойиб настаълиқ хати билан Кўқон қофозига

НАВОИЙНИ СЕВГАН ХАТТОТ

кўчирилган. Ушбу нусха охирида ҳам: “Алишер Навоий ҳазратларининг муборак “Хамса” асари 1872–1873 йили фирмавсмонанд Тошкентнинг кошғарлик маҳалласида бу факир шахрисабзлик Мухаммад Юнус ибн мулла Бобожон қўлида анжомига етди”, деб битилган.

Қўлёзма асарларининг кўпида хаттолар камтарлик қилиб ўз номларини келтиришмайди. Хаттолар бу асарни ўқиган кишилардан, агар уни кўчириш асносида бирон-бир камчиликка йўл қўйган бўлишса, кечиришларини сўраш билан сўзни тамомлашади. Шунинг учун кўп қўлёзма асарларни қайси шаҳарда, ким кўчирганини аниқлаш қийин.

Баъзи котиблар ўз номларини келтириш билан бирга қўлёзма қайси шаҳарда кўчирилганини ҳам кўрсатиб ўтади. Мухаммад Юнус котиб кўчириган Алишер Навоий асарларининг ушбу нусхалари охирида келтирилган маълумотлардан уларнинг Тошкентда китобат қилингани аниқ кўриниб турибди. Ҳатто бу асарлар Тошкентнинг қайси маҳалласида кўчирилгани ҳам аниқ ёзилган. Мухаммад Юнус котибнинг Алишер Навоий асарларидан меҳр билан кўчириган ноёб қўлёзма нусхалари ҳозир Абу Райҳон Беруний номидаги Шарқшунослик институтининг қўлёзма асарлар хазинасида сақланмоқда.

“Тошкент тарихида
баъзи сиймолар” рисоласидан
Неъматулло МУҲАМЕДОВ
тайёрлади.



Алоуддин КОСОНИЙ

ДИН ҲУКМЛАРИНИ ТАРТИБЛАШДА ГЎЗАЛ САНЪАТЛАР

F

усл сўзи фуқаҳолар тилида баданни ювииш манносидадир. Агар бутун баданга сув оқизилмаса, бадан ювилган ҳисобланмайди. Намлаши ёки хўллаши ювииш дегани эмас, ювиишида сув бутун бадан бўйлаб оқиши керак. Гуслининг руқни сувни баданнинг ҳамма тарафига оқизиб етказишдир. Сувнинг бир марта етиши фарзdir. Агар баданнинг озгина жойига, масалан, бирор тук тагига сув етмай қолса ҳам, гусл қилинмаган бўлади. Демак, бутун баданга сув етказиб ювииш гуслdir. Аллоҳ таоло: “Агар жунуб бўлсаларингиз, покланнингиз – чўмилингиз!” яъни, баданларингизни поклангиз, деган (Моуда сураси, 6). “Баданларингизни поклангиз” буйруги зоҳири ботинни қамраб олади. Яъни, “бадан”нинг устини ҳам, ичини ҳам, хуллас, “қийналмай тозалаши мумкин бўлган ҳамма жойини тозалаши керак”, деганидир.

ГУСЛ ҲУКМЛАРИ ҲАҚИДА

Гуслда баданнинг ичкарисидан ҳисобланган оғиз-бурунни чайқаш фарз. Демак, бутун баданга сув етказиш ва оғизни чайиш, бурунни ачиштириб чайқаш фарз бўлди. Агар оғиз ва бурун чайқалмаса, бутун бадан неча марта ювилса ҳам, гусл адо бўлмайди. Оғиз ва бурунни чайқаш таҳоратда фарз эмас, суннат эди. Бунинг сабаби, оғиз ва бурунга сув етказиш қийинлигидан эмас, балки таҳоратда юзни ювиш фарз бўлгани учундир. Оғиз ва буруннинг кўз тушадиган ташқи томони юз ҳисобланса ҳам, ичи юз ҳисобланмайди. Аллоҳ таоло “ғул қилишда бутун баданларингизни тозаланглар” деб буюрган, баданнинг ичию ташқарисини – қийналмай ювиш мумкин бўлган ҳамма жойини ювиш гусл ҳисобланади.

Гуслда соқолнинг тагига сув етказиш шарт бўлгани каби унинг ораларига ҳам сув етказиш шарт. Демак, соқолни ҳам тўлиқ ювиш керак. Шунингдек, сочи ўрилмаган, балки ёйилган аёл ҳам гуслда сочини тўлиқ ювиши ва ораларига тўлиқ сув етказиши шарт. Фақиҳ Абу Жоҳир Бандовий ҳам шундай деганлар. Чунки соч-соқолга шу ҳолатда қийналмасдан сув етказиш мумкин. Аммо аёл кишининг сочи ўрилган бўлса, уни ёйиб ювиш керакми? Бу тўғрида уламоларда икки хил ҳукм бўлди. Баъзилари агар сочи ўрилган бўлса ҳам, сочини

ёйиб унинг ораларига сув етказиш керак, дедилар. Пайғамбаримиздан (у зотга Аллоҳини саломи бўлсан): “Ҳар бир тук остида жунублик бордир. Огоҳ бўлинглар, сочнинг ҳар бир тукини хўлланглар ва туксиз баданни покланглар” мазмунли ҳадис ҳам ривоят қилинган. Яъни, тук бўлмаган жойларини тўлиқ ювганингиз каби бадандаги тукларни ҳам ювинглар, соч-соқол каби тукларга ҳам сув етсин, деб буюрдилар. Демак, агар аёл кишининг сочи ўрилган бўлса, уни ёзиб, ораларига сув етказиб ювиши шарт, дейдилар айрим уламолар. Баъзи уламолар, соч ўрилган бўлса, уни ёйиб, ҳар бир соч орасига сув етказиш вожиб эмас, дейишади. Мазҳабимизнинг улуғларидан шайх имом Абу Бакр Мухаммад ибн Фазл Бухорий ҳам шу ҳукмни ихтиёр қилганлар. Шу ҳукм тўғридир. Бунга далил шуки, Умму Салама (аллоҳ уздан роғиб бўлсан) онамиз: “Мен бошимдаги кокилимни қаттиқ боғлаб ўраман, гусл қилганимда шуни ечиб ғул қилиш имоми?” деб сўраганларида Расулуллоҳ (у зотга Аллоҳини саломи бўлсан): “Бошингдан ва бутун баданнингдан сув қуйгин ва ўша қуйган сувинг сочиниг тагига етиб борса, кифоя қилади”, дейиш билан мана шу енгилликни берганлар. Чунки шариат аёл кишига ўриб боғланган сочини ечишга буюрса, унга танглик-қийинчилик бўларди. Аммо ўрилмаган сочга нисбатан айтиладиган “ҳар бир соч орасига сув етсин” деган гапда ҳеч қандай қийинчилик йўқ. Ҳадисдан шу маъно чиқади.



Юқорида келтирилган “хар бир тук тагида жунублик бор, хар бир тукни ювинглар, хар бир тукка сув етсинг” ҳадисидан: агар соч ёйилган бўлса, шундай қилинглар, деган маъно келиб чиқади. Ўмму Салама (Алоҳо
уидди роҳи
бүслени) онамиздан ривоят қилинган кейинги ҳадис эса ўрилган сочни ғуслда ёйиш шарт эмаслигига далил бўляпти. Демак, ғусл вақтида сочни ёйиш шарт эмас, лекин ҳар бир тола соч тагига сув етмаса, ғусл бўлмайди.

Киндикинг ичига ҳам сув етказиш вожибидир. Киндикинг ичи ҳам баданинг ташқариси хисобланади ва ғусл вақтида у ҳам ювилган бўлиши керак. Чунки киндики қийналмай сув етказиш имкони бор. Демак, киндики ичига намланган ҳўл бармоқ киритилса, тоза бўлади ва ундаги бир дона тук тагига ҳам сув етмай қолмайди. Аёл киши ғусл килгандан ташки жинсий аъзосини ювиши лозим. Чунки уни ҳам қийналмай ювиш мумкин.

Динимиз ғусл во-
жиб бўлмаган баъзи
холларда ҳам юви-
нишга буюради. Ма-
салан, жума намозига чиқишдан олдин ғусл
қилинади. Зоро, жамоат жойида, хусусан, руҳий
поклик маскани – масжида кишидан бадбўй ҳид
келиб туриши суннатга хилофидир. Айниқса, бу
холат ёз ойларида жуда сезилади. Динимиз бар-
ча соҳада покликка буюриб турсаю, мусулмон
одам қандай унга зид иш қилиши мумкин? Ислом
уммати ўзининг сўзи билан ҳам, амали би-
лан ҳам, ҳатто баданидан чиқадиган ҳид билан
ҳам бирорвга озор етказмаслиги керак. Бирорвга
озор тегишини истамаган киши ўзига қараши,
сўнгра буни бошқаларга ҳам насиҳат қилиб, ту-
шунтириши лозим. Чунки поклик дини бўлган
бизнинг динимизда бутун вужуд ва қалб покли-
ги ҳар бир киши учун катта аҳамият касб этади.

Юваниб олиш жуда осон бўлиб қолган
ҳозирги замонда пок ва тоза юриш ҳамма учун,
айниқса, мусулмон учун оддий ҳол бўлиши керак.
Ҳолбуки, бизга покликни ўргатаётган бу дин бир
минг тўрт юз йил аввал жазира марабахосида
ҳар томчи сув олтиндан юксак қадрланадиган,
хеч қандай қуляйликлар бўлмаган шароитда

ҳам бутун бадани уч мартадан ювишга буюрган. Пайғамбаримизнинг (У жота Аллоҳининг
салоти ва саломи
бўслини) таҳорат ва ғусл бобида ўзлари бажариб кўрсатган амалла-
рини покликнинг умматга ибраг бўлиб қолган андозаси деса бўлади. Шунингдек, Расулуллоҳ (Саллаллоҳу алайҳи вассаллаҳ) масжидга кириш одоблари бобида кўплаб ўғитлар берарканлар, айниқса, хом саримсоқ ё пиёз еган одамларнинг у ерга йўламаслигини буюрганлар. Бунга сабаб шуки, ўша ҳид билан ёнидагига озор беради. Терлаб ювингмаган одамнинг ҳиди эса саримсоқ еган одам ҳидидан ёмонроқ бўлади. Динимиз мана шунга ҳам қарши бўлиб, тоза бўлиш кераклигини уткиради.

Ислом поклик дини экан, энг кичик нарсада ҳам поклик бўлиши керак. Масалан, ўнг қўлда овқат ейиш суннат. Таом учун қўл ювилдими, энди уни факат таомни ушлашга ишлатиш керак. Бирор нарсага ҳожат бўлса, иккинчи – чап қўлни ишлатса бўлади. То-
залик талабларига чинакам риоя килиб

яшайдиган мусулмон кишининг бутун вужудидан эса поклик балқиб туради. Шунинг учун мусулмон одам тозаликнинг энг юқори мақомида бўлиши керак. Кўзимизга жуда арзимас бўлиб кўринган ишда ҳам пок бўлиш лозим.

Бу ҳолатларда ғусл қилиш фарздир: жунуб¹, ҳайз ва нифосдан сўнг. Аллоҳ таоло жунуб ҳолатда ғусл қилиш фарзлигини ояти каримада билдирган: „Агар жунуб бўлсаларингиз, покланингиз, чўмилингиз” (*Мујда сураси, 6*). Яна бир ояти каримада: “Эй мўминлар то гапираётган гапингизни билмагунингизча маст ҳолингизда намозга яқин келманглар ва яна сафарда бўлмасангиз то чўмилмагунингизча жунуб ҳолингизда (намозга яқин келманглар)” (*Нисо сураси, 43*) дейилган. Демак, жунуб киши ғусл қилмасдан пок хисобланмайди ва масжидга кирмайди, қилган ибодати ҳам мақбул бўлмайди.

Шайх Алоуддин МАНСУР
таржимаси

¹ Бу ўринда эҳтилом ва жинсий яқинлик назарда тутилган.

Ишхонамиз йўлида анҳор бор. Кўпинча тўлиб оқади. Ҳар гал қўприкдан ўтарканман, поклик, бегуборлик ҳақида ўйлаб, чиройли жилваланаётган сувга боқаман. Аммо... ногаҳон тиник сувда оқиб келаётган чиқиндиларга кўзим тушади. Покиза сувни булгашга кимнинг ҳадди сидди экан, дейман...

ОСМОНДАН ТУШИРИЛГАН, ЛЕКИН ЎЛЧОВЛИ...

Сувни ҳаёт манбаи деймиз. “Эл ҳаёти ер билан, ер ҳаёти сув билан”, “Ариқдан сув узилмаса, саватдан нон аrimas” ёки “Сув ичган қудуғингга тупурма”, деган мақолларимиз бор. Ҳа, сув билан табиатимиз яшил, ризқрўз унадиган далаларимиз обод, хирмонларимизда барака.

Неъматни совуриш, қадрига етмаслик гуноҳ. Бир куни қизчам мендан: “Ойижон, сув ҳеч тугаб қолмайдими?” деб сўраганида, “Йўқ, у Аллоҳнинг неъмати, У Зот истамаса, тугамайди”, деб жавоб бердим. Аммо ўйлаб қаралса, сувдан тўғри фойдаланмасак, бемалол ифлосласак ёки исроф қилсак, қадрини билдириб қўйиш учун Яратган уни бир оз тортиб қўйиши ҳам ҳеч гап эмас. Бир томчи сувга зор ҳудудларни бир эслайлик.

Яқин-яқинларгача сув туганмас захира ҳисобланарди. Аслида ҳам шундайми? Бу ҳақда қизиқиб баъзи маълумотларни тўпладим.

Ер юзидаги сувнинг катта қисми уммон ва дengizlарда, унинг атиги икки ярим фоизи чучук сувдир. Бунинг устига чучук сувнинг асосий қисми Ер курасининг чекка жойларида – фойдаланиш қийин бўлган Антарктидада, Арктикада, Гренландияда ва баланд тоғлар бағрида, кор, музликлар шаклида тўпландган. Одамлар кўп яшайдиган минтақаларда чучук сув жуда кам. Дарёлар суви қирқ етти минг километр кубни ташкил қиласди. Улардан ҳам кўпи аҳоли анча сийрак яшайдиган шимолий минтақаларда ва экваторга яқин ҳудудларда оқади.

Чучук сувга талаб узлуксиз ошиб бормоқда. Агар 1980 йили инсоният эҳтиёжларига уч ярим километр куб сув етган бўлса, бу кўрсаткич 2003 йили беш минг километр кубдан ошиб кетган. Чучук сув, айниқса, ишлаб чиқариш (саноат ва қишлоқ хўжалиги)да энг кўп сарфланади. Эҳтиёжларнинг кескин ортиши жаҳонда чучук сув танқислигини юзага келтирмоқда.

Сувнинг микдори эмас, сифати ҳам жуда муҳимдир. Ҳозир жаҳон аҳолисининг учдан бир қисмигина яхши, сифатли, яна шунча қисми асосан сифатсиз сув ишлатади. Дарё сувидан унумли фойдаланиш учун кўплаб сув омборлари қурилган. Жаҳон бўйича улар сони қирқ мингдан ошик. Йирик сув омборлари АҚШ ва Россияда кўп.

“Сувнинг қатраси – офтобнинг зарраси”, дейишади. Сув поклик рамзи. Уни ичсак, танамиз қувватланади. Аллоҳ таоло марҳамат



қилади: “Ўшанда У сизни Ўзидан омонлик қилиб, мудроқ ила ўраган эди ва сизни поклаш, сиздан шайтоннинг васвасасини кетказиш хамда қалбларингизни боғлаш ва қадамларингизни собит қилиш учун устингизга осмондан сув туширган эди” (Анфол, 11). Осмондан сув туширилиши Аллоҳ таолонинг құдрати сифатида зикр этилади. Унинг яратилишида инсоннинг ҳеч қандай хизмати йўқ. Фақат тафаккур билан шукр қилиб фойдаланиши мумкин: “Ўзингиз ичадиган сувни ўйлаб кўринг-а! Уни булутлардан сиз туширасизми ёки Биз туширгувчимизми? Агар хоҳласак, Биз уни шўр қилиб қўямиз. Шукр қилсангиз-чи!” (Воқеа, 68-70).

Олимлар сувда кўзга кўринар-кўринмас заарли микробларни ўлдирувчи ва кишига роҳат бағищловчи, чарчоқни кеткизуви шифобахш хусусиятлар борлигини айтишади. Электр қуввати ва турли газлар таъсирида тери тўқималари нафас олиши қийинлашади. Баъзан кимёвий толадан тўқилган кийим ечилса ёки қўл бирор металга тегиб кетса, кичик ток уриш ҳодисаси рўй беради. Сув ўша заарли нарсаларни ювиб туширади, бадандаги кўзга кўринмайдиган турғун электрни кетказади. Ёмғирдан сўнг ҳавонинг салқин ва оромбахш бўлиши ҳам томчиларнинг ҳавони турғун электрдан тозалашига узвий боғлиқ.

Сув шундай тотли, шифобахш ва покиза неъмат эканини, афсус, ҳамма ҳам ҳис қилмайди. Қадрига етмай, исроф қиласиз. Кўпқаватли уйларда иссиқ сув, совуқ сув алоҳида келади. Бир кун совуқ сув келмаса нима бўлишини тасаввур қилинг... Айримлар сувхисоблаги чўлмаса, жумракни катта очиб бемалол оқизиб қўяди. Ҳатто ёзда сув билан уйни салқинлатишиади, егулик ва ичимликларни советишади. Сув ҳақини тўламайдиганлар, тўлласа миннат қиладиганлар бор. Кўча-кўйда ҳам кечакундуз суви оқиб ётадиган жўмракларни кўп кўрамиз. Баъзилар ҳеч ўйламай, тиник сувга ифлос чиқиндилар отишади. Шундай кезларда сувсизликдан қийналаётган ҳалқлар оз эмаслигини ўйлайлик, қадрига етмасак сувга зор бўлиб қолишимиз мумкинлигини унутмайлик.

Зебунисо ХУСАЙН

СУВНИ ҚАДРЛАНГ

Жилдираб оқар ариқ,
Фақат қадрин билмаймиз.
Гўё уммонда балиқ,
Назар-писанд қилмаймиз.

Ифлос қилманг, пок сувни,
Авайлаб, асранг уни!
Эл дуосини олинг,
Даркор охират куни!
Кўлдан келса гар ариқ
Қазиб, сув беринг элга.
Дуо қилади ҳалқ,
Умр учмайди елга.

Автолару от-улов
Ювишни бас қилинглар!
Жўмракка қўйинг жилов,
Сув қадрини билинглар!
Неча ҳалқлар сувга зор,
Фақат бизда бемалол.
Оқар сувни қадрланг,
Асранг, асло қилманг хор.

Сув, ҳаво, нон учовлон
Бўлмаса нетар инсон?
Сув билан тирик жаҳон,
Оқар сувни қадрланг?!
Тўловини унутманг,
Ўз вақтида узинг қарз,
Тўлаш бўйнингизда фарз,
Оқар сувни қадрланг!

Мамадали ТУРДИАЛИ ўғли,
Жиззах вилояти Пахтакор шаҳри

ИЛТИЖО

Чин дилдан сўраса, бергувчи Зотсан,
Ҳожатманд инсонга олий нажотсан,
Барча ўткинчи, Сен доим ҳаётсан,
Ўзинг мадад бергин, Ўзинг қўллагин,
Гўзал жаннатларинг сари йўллагин.

Солих бандалардан бўлай Ўзингга,
Амал қилиб яшай амринг – сўзингга,
Охирда уялмай боқай юзингга,
Ўзинг мадад бергин, Ўзинг қўллагин,
Гўзал жаннатларинг сари йўллагин.

Мадад бермасанг гар, йўқдир чорамиз,
Назаринг тушмаса, биз бечорамиз?
Нажот истаб яна қайга борамиз?
Ўзинг мадад бергин, Ўзинг қўллагин,
Гўзал жаннатларинг сари йўллагин...

Абдулносир БОБОМИРЗАЕВ,
Тошкент Ислом институти талабаси


СЎРАГАН ЭДИНГИЗ

Ўзбекистон мусулмонлари идораси раиси, муфтий **Усмонхон АЛИМОВ** жавоб беради



Савол: Қибла тарафда ухлаб ётган ёки гаплашиб ўтирган одамнинг ортида намоз ўқиса бўладими?

Жавоб: Қиблага қараб ўтирган ё турган кишининг ортида намоз ўқиса бўлади. Пайгамбаримиз (у зотга Аллоҳнинг саломи бўлсин) Икримани (Аллоҳ рези
уздин бўлсин) қиблага юзлантириб қўйиб ортида намоз ўқиганлар.



Аммо намозхонга юзланиб турган ёки уни ибодатдан чалғитадиган даражада баланд овоз билан гаплаша ётганлар ёнида, қибла тарафидаги ухлаб ётган киши қиршисида ўқиш макрухdir ("Шарҳи Аврод").



Савол: Мусулмон эр ёки аёл бошқа диндагилар билан турмуш қуриши мумкини?

Жавоб: Мусулмон киши ахли китобларнинг аёлларига уйланиши жоиз. Ахли китоб Таврот, Инжилга эътиқод қилувчилардир. Куръони каримда: "Бугун сизлар учун покиза нарсалар ҳалол қилинди. Шунингдек, ахли китобларнинг таоми сизлар учун ҳалол ва таомингиз улар учун ҳалолдир. Зинокорлик ёки маҳфий ўйнаш қилиб олиш учун эмас, балки маҳрларини берсангиз, мўмина аёлларнинг иффатлилари ва сизлардан олдин Китоб берилгандарнинг иффатли аёллари (ҳам ҳалолдир). Ким, имондан куфрга қайтса, (қилган савобли) иши, албатта, зое бўлур ва у охиратда зиён кўрувчилардандир" (Моида, 5), дея марҳамат қилинган.

Мусулмон киши оташпараст, бутпараст ёки бошқа шунга ўхшаш ой, қуёш каби нарсаларга сифинувчилар билан ҳам турмуш қуриши мумкин эмас. Аммо муслима аёл

бошқа диндагиларга эрга тегиши мумкин эмас ("Хидоя").



Савол: Мен баъзан унуглан холда намозда зам сурадан олдин "Басмала"ни айтаман. Бунинг намозга зарари йўқми?

Жавоб: Ҳар ракатда Фотиҳа сурасидан олдин "Басмала" айтиш суннат, Фотиҳа билан зам сура ўртасида "Басмала" айтмаслик суннатдир.

"Муҳит" китобида Фотиҳа билан зам сура ўртасида "Басмала" айтилмайди, агар айтса макрух бўлади, дейилган ("Хидоя", "Шарҳул Виқоя", "Маслакул муттақин").



Савол: Намозда эснаш яхши эмас, деб эшитдим. Аммо эснаш ихтиёrsиз келса, нима қилиш керак?

Жавоб: Ибодат пайтида эснаш хушуъ ва хузуъни кетказади. Бошқа пайтларда ҳам эснашни уламолар яхши санашмаган. Шу сабаб намозхон эснашни қайтаришга ҳаракат қилиши лозим. Аммо қайтаролмаса чап қўли орқаси билан оғзини ёпиши керак.

Қиёмда турган пайтда кўп ҳаракат бўлмаслиги учун ўнг қўл орқаси билан оғиз беркитилади. Чунки қиёмда намозхоннинг ўнг қўли чап қўлининг устида бўлади. Аммо олдин эснашни қайтаришга ҳаракат қилиш керак. Қудурий айтади: "Кўп бор синадик, эснашни қайтаришга ҳаракат қилинса, у тўхтар экан" ("Фатовойи Қозихон").

"Тухфатул мулук" китобида, Пайгамбаримизнинг (у зотга Аллоҳнинг саломи бўлсин) намозда асло эснамаганларини, кўнгилдан ўтказиб, Аллоҳ таолога чин дилдан итоатли, илтижоли ҳолатда туриш одамни намозда эснаш каби ортиқча ҳаракатлардан сақлайди, дейилган ("Шарҳул Виқоя").

Абдулвоҳид ЎРОЗОВ
оққа кўчирди.

ҲАЁТИМИЗ МУҲОФАЗАСИ

Йўл оммага тегишли, бинобарин, унга зарап етказиш мумкин эмас. Расулуллоҳ (соллаллоҳу алайҳи вассаллам): «Йўлга ўз ҳакини беринглар», деб марҳамат қилдилар. У зот йўловчиларнинг ҳакини эътиборга олиб, йўл ўртасида намоз ўқишидан қайтардилар, сафарларида бирор жойда тўхтаганларида бошқа йўловчиларга халақит бермаслик чора-тадбирларини кўрдилар.

Жамиятнинг саломатлигини тўлиқ таъминлашга хизмат қилувчи ҳукмларни фуқаҳолар Қуръон ва ҳадис маънолари асосида ишлаб чиқишиган. Баъзи уламолар бу фикъий қоидаларни ўн еттита деса, бошқалари уни тўрттага қисқартиришган. Изз ибн Абдуссалом уларни иккига жамлаб, «манфаатни жалб қилиш» ва «зарарни даф этиши» қоидалари билан изоҳлаган. Айрим мутааххир уламолар буни ҳам қисқартириб: «Манфаатни жалб қилиш барча шаръий аҳкомларга асосдир, чунки зарарни қайтариш ҳам манфаатни жалб қилиш хисобланади», деганлар.

Йўл-транспорт ҳодисаларининг олдини олишдан мақсад ҳайдовчи, йўловчи ва пиёдаларнинг ҳаёти ва саломатлигини сақлаш, автомобилларни турли талофатлардан асрараш, яъни, инсоннинг жонини ва молини муҳофаза этишдир. Зеро, бундай ҳодисалар инсонларнинг ҳаётига зомин

бўлиши, саломатлигига птур етказиши, шунингдек, ортиқча сарф-харажатларга олиб келиши ҳам мумкин. Йўл ҳаракати қоидалари инсон ҳаётини сақлашни таъминлашга қаратилган. Ислом шариатининг талаб ва мақсади ҳам айни шу.

Йўл ҳаракати қоидаларига риоя қилмаган киши, аввали, ўзининг жону молини ҳатарга қўйган бўлади. Бу эса Ислом динида ҳаром амал хисобланади. Аллоҳ таоло айтади: «**Ўзингизни ҳалокатга ташламанг**» (*Бақара*, 195). Уламоларимиз йўл ҳаракати қоидалари Ислом шариатининг талаб ва мақсадларига хизмат қилишини, уларга ҳамоҳанг эканини таъкидлайди ва уларга амал қилишни воҷиб дейишиди. Шунинг учун ҳам, барча ҳайдовчи, йўловчи ва пиёдалар йўл ҳаракати қоидаларига қатъий риоя қилишлари, уларга хилоф иш тутмасликлари зарур.

Динимиз аҳкомларида инсоннинг дини, жони, шаъни, ақли ва молининг ҳимояси мақсад қилинган. Зеро, умримиз мазкур нарсалар устига бино қилинган бўлиб, ўшаларнинг тўлиқ муҳофаза этилиши, даҳлсизлиги, уларга нисбатан ҳар қандай тажовузнинг бартараф этилиши билан фаровон ва осойишта кечади.

Ҳасанхон
АБДУМАЖИДОВ,
Тошкент Ислом институти
4-босқич талабаси



МОМОЛАРИМИЗ АЙТАДИ...

Сийлаганни сигир билмас,
сийпаганни ҳўқиз.

* * *

Ювошдан йўғони чиқади.

* * *

Камбағал дон топса,
халта топмайди.

* * *

Бой мақтанса топилур,
камбағал мақтанса чопилур.

* * *

Зоғора зотига, буғдой
нархига тортади.

* * *

Аҳмок ўзини мақтайди,
тентак қизини.

* * *

Нокаснинг оши пишмас,
ўчоқнинг боши тушмас.

* * *

Йигит моли ерда.

* * *

Қоққанда қозик,
осганда хурмача қолмади.

* * *

Текин томоқнинг
тиканаги тиқилади.

* * *

Хамир қормай
тандирга ўт ёқма.

Тошкентлик МУНАВВАР
ҳожи онадан ёзиб олинди.

ТАНЗАНИЯ БИРЛАШГАН РЕСПУБЛИКАСИ



Жуғрофий ўрни. Танзания шарқий Африкада жойлашган. Шимолда Кения ва Уганда, ғарбда Руанда, Брунди ва Конго Демократик Республикаси, жанубда Замбия, Малави ва Мозамбик билан чегародош. Шарқий чегарасини Хинд океани ювиг турди. “Танзания” номи мамлакатни ташкил этган иккита ўлка – Танганика ва Занзибарномларидан олинган. Иккита пойтахти бор. Доруссалом шахри тарихий бошкенти, Додома ҳукумат идоралари жойлашган маъмурий пойтахти хисобланади.

Мамлакат худудининг асосий қисмини ясситоғликлар эгаллаган. Хинд уммони сохили бўйлаб пасттекисликлар чўзилган. Бу ерда Африка китъасининг энг катта сув ҳавзалари – шимолда Виктория, ғарбда Танганика, жанубда Няса кўли бор. Иклими – субэкваториал. Шимолда иккি марта (март-май, сентябр-ноябр), жанубда бир марта (ноябр-апрел) ёмғир мавсуз

Майдони: 945203 кв.км.

Аҳолиси: қирқ уч милёндан ортиқ.

Пойтахти: Додома шаҳри.

Тузуми: республика.

Давлат бошлиғи: президент.

Маъмурий тузилиши: 26 та вилоят (мкоа)га бўлинади.

Йирик шаҳарлари: Доруссалом, Букоба, Морогоро, Додома, Аруша.

Пул бирлиғи: танзания шиллинги.

ми кузатилади. Танзанияга тегишли оролларнинг иклими заҳ, серёгин. Кунлик ўртача ҳарорат 28–30 даражага, уммондан енгил шабада эсиб туради. Уммон сувининг ўртача ҳарорати 24–26 даражага илиқ.

Тарихи. Ҳозирги Танзания худудида илгари Африканинг қадим тубжой аҳолиси бушмен ва готтен-тотлар яшаган. Милоддан олдинги биринчи асрда бу ерга Ҳабашистон тоғликларидан күшит қабилалари кўчиб келган. Милодий аср бошида эса банту қабилалари келиб ўрнашишган. Биринчи мингийиллик ўрталарида мамлакат худудига форс, араб ва хинд савдогарлари қадами етган ва кейинчалик улар ҳам шу ерда қолишган. Ана шу даврда янги бир қурама элат – суахилилар пайдо бўла бошланган. Суахилилар халқаро савдо билан шуғулланиб, бошқа ўлкаларга фил суюги, олтин элтиб, хунармадчилик буюмлари, матолар ва озиқ-овқат маҳсулотлари олиб келишган.

XVI аср ўрталарида Танзания чегараларига португаллар қадам қўяди. 1505 йили улар деярли барча порт шаҳарларни эгаллайди, бироқ XVII аср иккичи ярмида араблар ва занжилар босқинчиларни юрт-

ларидан қувиб чиқаришади. Шундан кейин бу ҳудудда шамбала, чагга, хехе, нямвезе қабилаларининг Кимвери давлати ва бошқа кичик қабилавий бошқарув бирликлари юзага кела-ди. XIX аср ўрталарида эса Танзанияга кўплаб оврупалик савдогар ва миссионерлар келишади. 1885 йили олмон генерал-губернатори Карл Петерс ўн икки нафар қабила бошлиғи билан учрашиб, уларни Олмонияга бўйсунишга кўндиради. 1888 йили эса Занзибар султонидан мамлакатнинг соҳилбўйи қисмини эллик йилга ижрага олади. 1890 йили Занзибар султони инглизларга бўйсуниш ҳақидаги розилик битимини имзолайди. 1891 йили Карл Петерс Олмония Шимолий Африкаси мустамлака империяси тузилганини эълон қиласди.

Олмонлар бу ерда каучук, қаҳва, пахта ва сизал етиштира бошлайди. 1902 йили эса темир йўл қуришади. 1905–1907 йиллари босқинчиларга қарши қўтарилилган Мажи-Мажи қўзғолони бостириллади. 1914 йили Биринчи жаҳон уруши бошланади ва Танзания ҳарбий ҳаракатлар синов майдонига айлантириллади. Олмония душманлари – Бри-

тания, Белгия ва Португалия-нинг мустамлака ўлкаларига юриш қиласи. Бу ҳолат 1918 йилгача – Антанта билан тинчлик шартномаси имзолангунича давом этади. Урушдан сўнг Танзания Британия вайлигига ўтади. Инглизлар плантация сиёсатини давом эттириб, экин майдонларини кенгайтиради.

Британия 1961 йил 9 деброда Танганикага, 1963 йил 10 деброда Занзибарга мустакиллик беришга мажбур бўлади. 1964 йил 12 январда Занзибар халқи кўзғолон кўтариб, сultonни таҳтдан ағдарида ва шу йилнинг 26 апрелида икки мамлакат қўшилиб, Танзания Бирлашган Республикаси ташкил топгани эълон қилинади.

1967 йили Танзания Африка Миллий Бирлашмаси ҳудудда коммунизм қуришга киришади, бироқ бу ислоҳот ўзини оқламайди, аҳолининг кескин норозилигига сабаб бўлади.

Мамлакатда 1970 йилдан 1995 йилгача бирпартияли бошқарув ҳукм сурди. Ҳозир кўппартияийликка асосланган демократик бошқарув йўли танланган.

Иқтисоди. Танзания дунёнинг қашшоқ мамлакатлари-

дан бири. Иқтисоди қишлоқ хўжалигига асосланган, ишчи-ларнинг саксон фоизга яқини шу жабхада меҳнат қиласи. Ялпи ички маҳсулотнинг йигирма етти фоизи қишлоқ хўжалигига тўғри келади. Қаҳва, сизал, чой, пахта, тамаки, маккажўхори, буғдой, бanan етиштирилади. Қорамол, қўй ва эчки бокилади. Ялпи ички маҳсулотнинг йигирма уч фоизи саноат маҳсулотлари. Қишлоқ хўжалиги маҳсулотларини қайта ишлаш, олмос, олтин, темир рудаси ва туз қазиб олиш, пойабзал ишлаб чиқариш саноатнинг асосий тармоқлариидир.

Танзания Африка, Кариб ҳавзаси ва Тинч уммони ҳудуди мамлакатлари халқаро ташкилоти аъзоси. Асосан Ҳиндистон, Хитой, Япония, Жанубий Африка Республикаси, Кения, Нидерландия, Олмония ва Бирлашган Араб Амирликлари каби мамлакатлар билан савдо қиласи.

Аҳолиси. Аҳолининг саксон фоизга яқини қишлоқларда яшайди. Бир юзу йигирмага яқин миллат вакиллари бор. Улар орасида сукума, нямвэзи, жагга, нгонде, хая, хехе, бена ва маконделар кўпчилик. Этник гурухларнинг асосий

қисми банту халқлари гурухига мансуб. Аҳолининг ўртача кўпайиши йилига икки фоиз.

Дини. 1967 йилдан бошлаб мамлакатда аҳолини рўйхатга олиш чоғида фуқаронинг қайси динга эътиқод қилиши қайд қилинмайди. АҚШ маҳсус хизмати маълумотномасига кўра, аҳолининг ўттиз беш фоизи мусулмонлар, ўттиз фоизи насронийдир. Қолган ўттиз беш фоиз аҳоли турли маҳаллий эътиқодларга ишонади.

Мусулмонлар асосан Занзибар оролларида (97 фоиз) истиқомат қиласи.

Ислом дини Танзания ҳудудига 900 – 1000 йилларда ёйила бошлаган. Форсий подшоҳлар оиласига мансуб Али ибн Ҳасан Шерозий акаси таҳтга ўтиргач, тазиқча учраб, мамлакатни ташлаб кетишга мажбур бўлади. Али кемада Африка томон йўл олади. Қитъа қирғоқлари бўйлаб сузиб, Кильва ороли ёнида тўхтайди ва уни банту қабиласи сардоридан сотиб олади. Оролдан қитъага омонат бир кўприк орқали ўтиларди. Али мустаҳкам кўприк қурдиради ва оролда Кильва сultonлигига асос солади. 1300–1400 йиллари Кильва сultonлиги қитъадаги жуда кўп шаҳарларни бўйсундиради. Бу ҳудудда Ислом дини кенг ёйлади. Машхур тарихчи Ибн Баттута 1332 йили оролга келади ва мусулмонлар кўплигидан ўзини ҳудди уйидагидек ҳис этганини ёзади. Занзибар жанубидаги Кизимкази масжиди нафақат Танзания, балки Шарқий Африкадаги энг қадимги жомелардан биридир. У 1107 йили қурилган.

Орифжон МАДВАЛИЕВ
тайёрлади.



Журналинизнинг иккинчи сонида берилган “Бола хулқи нега бузилади?” номли мақолада фарзанд тарбиясида йўл қўйиладиган баъзи хатолар ҳақида сўз юритилган эди. Тахририятга келган хатолардаги фикр ва таклифларни инобатга олиб, баҳсни яна давом эттиришини маъқул кўрдик.

ФАРЗАНДИНГИЗГА ДЎСТ БЎЛИНГ

Дунёда фарзанди одобли бўлишини истамаган ота-она йўқ. Хўш, болани қандай одобли қиласми? Бунинг учун энг олдин ота-онанинг ўзи тарбияли бўлиши керак. Ахир, инсон ўзида йўқ нарсани бировга беролмайди-ку.

Куйидаги тавсияларга эътибор бериш ва амал қилиш мақсадга мувофиқ:

- ота-она салоҳиятли, болаларига ибрат бўлиши керак. Китоб ўқимаган киши фарзандининг кўлига яхши китоб тутолмайди;

- болани мустақил фикрлашга ўргатиш жуда муҳим. Воқеа-ҳодисаларга қандай муносабат билдиришига ота-она қизиқиши, уни тинглаши, саволларига эринмай жавоб бериши керак. Бундай йўл боланинг мустақил фикр юритишига ёрдам беради, унда фикрини ифодалаш шиҷоатини шакллантиради;

- муносабатлар икки томонлама бўлсин. Шундай йўл тутинг, у сизга яқин дўстидек ишонсин. Шунда унга насиҳат қилсангиз, оғир олмайди. Ҳазрат Али (Аддоҳ
ундан рози): “Фарзанд билан етти ёшгача ўйна ва унга фикри қабул қилингани ҳамда инобатга олинганини билдириб қўй, бу услубнинг яхши самараси кўп”, деганлар. Фарзанд билан дўстларча муносабатда бўлиш уни ёмонлар билан дўстлашишдан, бузгунчи ахборотларга эргашишдан саклайди;

- фарзанд оиласида алоҳида ўринга эгалигини, қадрли эканини ҳис этиши зарур;

- бола уй ишларини бажаришда ҳамма билан аҳил-иноқ бўлиши, оила муаммоларини беркитиши, жиспликни сақлашни ўрганиши лозим. Ота-она фарзандига иш ва масъулият юклаб, сўнгра натижасига эътибор қаратса, бола бурчига садоқатли бўлади;

- ота-она уйдаги нарса-буюмларни бир кишига хосламасин. Аксинча, улар ҳаммага тегишли эканини айтсин. Масалан, уйдаги улов факат отанини деб қаралса, ўғил фар-

занд ўзини отасига нисбатан ғариб санаши ва бу ҳол унга салбий таъсир қилиши мумкин;

- боланинг истаган нарсасига эришавериши яхши эмас. Маҳрум бўлиш аччиғини тотиб кўриши, нафсининг хоҳишлиарини қайтаришини ўрганиши керак;

- ота-она фарзандларининг ёши, ақли, зийраклиги, ривожланиши, таъсирчанлиги ҳамда дунёқарашига эътибор қилиши зарур;

- болалар ёшлигидан бир-бирига гина-адоватли бўлмаслиги учун барчаларига бирдек муносабат кўрсатиш муҳим.

Кўпинча йўл қўйиладиган хатолар:

- ота-онанинг болага: “лапашанг”, “ахмок”, “одобсиз” сингари ноҳуш сўзлар билан мурожаат қилиши. Хато, камчилик фарзанднинг ўзида эмас, ишидадир;

- уриб-сўкиб тарбиялаш. Фарзанд хато иш қилганида танбеҳ бериш ва тергаш учун уни уриш-сўкишдан кўра, яхши кўрган нарсаларидан маҳрум қилиш, гапирмаслик, ковоқ уйиш, дакки бериш самарали бўлади;



ЗАРБУЛМАСАЛ САНЪАТИ

– нотўғри рағбатлантириш. Ота-она ўн ёшга тўлмаган болалаларининг яхши ишларини мукофотлашда ширинлик ёки пул бериш билан бирга савоб бўлишини, эвазига жаннатга эришувини хам уқтиришсин;

– болаларни бир-бирига қарама-қарши ўстириш. Бир оиласда туғилиб ўсган болаларнинг хам шахсияти турлича бўлади. Уларни зеҳни, қобилияти ва дунёкарашининг пасту ба-ландига қараб йўналтириш лозим. Бир-бирига солишириш билан уларнинг ораси бузилиши мумкин;

– ёмон дуо қилиш. Фарзанди жаҳлини чиқарса, айрим оналар дарров қарғашга тушади. Бу одатнинг оқибати жуда ёмон;

– ваъда бериб бажармаслик. Ота-она ваъдасида турмаса, ишончини йўқотади. Масалан, “Кел, урмайман”, дейди. Аммо келганида уради. “Бундай қилсанг, уни олиб бераман”, дейди, лекин сўзида турмайди.

– фарзандини ёмон ҳолатларга гувоҳ қилиши. Шаънини юксалтириш, ботирликка ўргатиш ўрнига таҳқирлайдиган манзараларни кўрсатиш бола калбини синдиради;

– ёқтирумаган нарсасини совға қилиш;

– ёлғон гапириш: одатларнинг энг ёмони ёлғон сўзлашдир. Бола ўрнак оладиган кишилар ёлғон гапириб турса, у хам шунга одатланади.

Тошкент Ислом
институти мударриси
Имоммуҳаммадхон
УБАЙДУЛЛАЕВ
тайёрлади.

Куръони карим ва ҳадиси шарифларда зарбулмасални кўп учратамиз. Қуйидаги ҳадисда Пайғамбаримиз (ўзотга Алоҳонинг салоти ва саломи бўлсин) умматларни парвонага ўхшатиб, гўзал тарзда зарбулмасал қилганлар. Абу Хурайра (Алдоҳ, ундан рози бўлсин) ривоят қилади: «Расулуллоҳ (ўзотга Алоҳонинг салоти ва саломи бўлсин): “Мен билан одамлар ўт ёқсан киши билан парвоналар кабидир. Чунки бир киши ўт ёқса, атрофи ёришгач, парвоналар учеби келиб, ўзларини ўтга уради, у киши ҳарчанд ҳайдамасин, улар кетмайди. Мен хам ўша кишидек сизларни ўтдан саклашга уринаман, сизлар ўзингизни ўтга урмоқдасиз!” дер эдилар» (*Имом Бухорий*).

Улуғ мутафаккир шоир ва ёзувчилар Куръон ва ҳадисдан илҳомланишди. Натижада, зарбулмасал санъати юзага келди. Ҳадисда келтирилган шуъла атрофида айланувчи тун капалаги – парвона мумтоз адабиётимиз намуналарида кўп келтирилган.

Парвона сўзи турли маънони билдиради. Тасаввуфда парвона ишқ алангасида ёниб, ҳалок бўлаётганини хам билмайдиган ошиқ рамзиdir.

Алишер Навоийнинг “Лисонут тайр” асарида бундай байтлар бор:

*Бир кечада парвоналар жамъ ўлдилар,
Саъй бирла толиби шам ўлдилар.*

*Дедилар парни қилиб оташибиишон:
– Истоли матлуб нуридин нишон.*

*Ҳар не топсақ – они изҳор айлоли,
Шарҳ этиб аслин падидор айлоли”.¹*

Мазмуни: Бир кечада парвоналар жам бўлиб шамга етишмоққа ҳаракат қилишди. Қанотларини ўтда ёқишига ҳозирлаб: “Биз изловчиларми, шам нуридин нишон излаймиз, агар ундан нимаики топсақ, уни изҳор қиласлил. Шарҳ этиб, асл зоти нишадан иборат эканини аниқлайлик”, дедилар. Шоир бу ўринда парвоналарни ишқ ўтига мубтало бўлган ошиқлар мисолида зарбулмасал қилади.

Парвоналар ҳар бири қанот қоқиб қўйруқларини куйдиришади. Ҳар бири куйганча, ўзи истаган мақсадга эришади, аммо буни шарҳлаш, нақл қилиш қийин иш. Чунки киши шуъланни тил билан шарҳ эта олмайди, куймасдан туриб эса шуъланинг моҳиятини билмайди.

Мумтоз адабиётимизда шу сингари жуда кўп ибратли зарбулмасаллар учрайди. Бундай тимсоллар ўтаётган умримиз мазмун-моҳиятига етишда бизга яхши сабоқ бўлади.

Обидхон ИКРОМОВ,
“Мулла Қирғиз” Ислом ўрта маҳсус билим юрти ўқитувчиси

¹ Алишер Навоий. “Лисонут тайр”. Тошкент, 1991, 226-бет.



ИСЛОМ ВА ОЛАМ



Канадада мусулмонлар қабристони



Торонто шаҳрида мусулмонлар қабристони учун ер ажратилди. Мозор кирк минг майитни кўмишга мўлжалланган. Энди бу ерда дунёдан ўтган мусулмонлар диний тартибга кўра дафн этилади. Ажратилган ер

баҳоси олти миллион саккиз юз минг долларга teng. Маблағ “Торонто мусулмонлар уюшмаси” томонидан ўн йил мобайнида қопланади. Яқинда Оттава шаҳрида ҳам мусулмонлар қабристони очилиши кутилмоқда.

Янги уюшма тузилди



Тунис ички ишлар вазири Эннах Али Ларейда фармойиши билан “Яхшиликка чақириш” уюшмаси тузилди. Уюшманинг шариат, диний фанлар ва адлия масалалари бўйича кўмиталари

бор. Уюшма фуқаролар ва сайёхларнинг шариат қонунларига амал қилишларини назорат қилиб боради. Саудия Арабистонида бу иш 1940 йилдан йўлга қўйилган.

“Мусулмон олами – 2012” анжумани

15 марта куни Перм шаҳрида “Мусулмон олами – 2012” номли анжуман бўлиб ўтди. Перм ўлкаси муфтийи Мухаммадали Хузин анжу-

ман ташаббускори, ташкилотчиси бўлди. Унда Россия Федерацияси депутатлари, олимлар ва Ислом маданияти маркази вакиллари иштирок этишди. Тадбирдан кўзланган мақсад замонавий минтақада Ислом маданияти тарихини ўрганиш, маҳаллий аҳолига янада қулаги шароитлар яратиш ва мамлакатдаги диний идораларнинг дўстона алоқаларини мустаҳкамлашдир.

Украина ташриф

Украина мусулмонлари идорасига Ироқдан келган бир гурӯҳ меҳмонлар ташриф буоришиди. Уларга Ироқнинг Украинадаги фавқулодда ва муҳтор элчиси Шураш Холид ҳамроҳлик қилди. Меҳмонлар Киев шаҳридаги “Роҳма” жоме масжидини зиёрат қилиб, Украина муфтийи Аҳмад Тамим билан учрашдилар. Муфтий меҳмонларни Киев шаҳрида бунёд этилган биринчи масжид ва диний идора фаолияти билан таништирди. Меҳмонлар Украинада диний соҳада эришилган ютуқларни юқори баҳолади.

Олисни қўзлаб

Қатарнинг саксон беш миллиард доллар сармояси бўлган жамғармаси Франциядаги йирик ишлаб чиқариш корхоналари, хашаматли қасрлар ва меҳмонхоналарни сотиб оляпти. Яқинда у “Пари Сен Жермен” клубини ҳам сотиб олди. Мамлакат Амири келажакда фақат ўз юритининг еrostи бойликларига суюниб қолмасликни кўзда тутмоқда.



“Катта йигирмалик” йигини



24–27 феврал кунлари Саудия пойтахти Риёз шаҳрида “Катта йигирмалик” мамлакатлари палатаси аъзоларининг учинчи йигини бўлиб ўтди. Австралия, Бразилия, Хиндистон, Индонезия, Хитой ва Жанубий Африка каби улкан салоҳиятга эга мамлакатлар вакиллари йигинда иштирок этди. Улар дин, маданият, иқтисодий масалалар, хоссатан, энергетика тармоғи бўйича ҳамкорлик юзасидан музокара олиб боришиди.

Канадалик профессор

Саудия Арабистонининг Қирол Абдулазиз номидаги университети инглиз тили ўқитувчиси, канадалик профессор Довуд Рой Волке Ислом динини қабул қилди. Олимнинг Куръони каримни Инжил билан яхшилаб солишириб, чукур ўргангани шундай қарорга келишига сабаб бўлди. “Саудия Арабистонига келганимда Ислом дўстлик ва аҳиллик дини эканини тушуниб етдим. Менга Аллоҳ тўғри йўлни кўрсатди”, деди у.

Қадимий осори атиқалар

Грузиядаги уч юзга яқин масжиiddан ўн саккизтасининг қарийб беш юз йиллик тарихи бор. Мамлакат Маданият вазири Николоза Руруа саъъ-харакатлари билан ушбу жомеларга қадимий ёдгорлик мақоми берилди. Бу масжидларнинг кўпі озарбайжонлар яшайдиган Квемо Картли, Марнеули ва Дманиси туманларида. Ҳозир уларнинг айримларида тъамирлаш ишлари олиб бориляпти. Беш юз мингга яқин гуржистонлик мусулмон бу ишдан жуда миннатдор.




Янги ўқув қўлланмаси

Москвада “Ўзбек тили дарслиги” ўқув қўлланмаси чоп этилди. Беш жилдан иборат дарсликдан ўзбекча-русча луғат ҳам ўрин олган. Асосий уч жилдда ўзбек халқи маданияти ва миллий урф-одатлари ўзига хос услубда ёритилган. Қўлланма Москва Давлат тилшу-

нослик университети ҳамда Ўзбекистон Давлат жаҳон тиллари университети ўқитувчилари ҳамкорлигига тайёрланди. Замонавий талаблар асосида ишланган дарслик факат ўзбек тилини ўрганувчилар эмас, балки халқимиз санъати ва маданияти билан яқиндан танишиш истагида бўлганлар учун ҳам жуда кўл келади. Ҳозир “Ишбилармонлар учун ўзбек тили” дарслиги устида иш олиб борилмоқда.

“Куръон ва шарқшунослар”

Шу йилнинг деқабр ойида Эрон Ислом Республикаси Кум шаҳрида “Куръон ва шарқшунослар” мавзусида анжуман ўтказилади. Йиғилишда таниқли шарқшунослар, дин билимдонлари маъруза қилишади. Ўнда Куръони карим тили, тузилиши ва уни ўқитиш услублари устида иш олиб бораётган шарқшунос-олимлар фикр ва тажриба алмашадилар. “Мустафо” халқаро университети ташкиллаштираётган ушбу анжуман “Имом Ҳумайн” университетида бўлиб ўтади.



Фотосуратлар танлови

Олмонияда Ислом ва мусулмонлар ҳаётидан олинган фотосуратлар кўрик-танлови бўлиб ўтди. Интернет тармоғида ташкил этилган ушбу беллашувда бошқа дин вакиллари ҳам иштирок этди. Суратчilar мамлакат масжидлари, тарихий ёдгорликлар ва мусулмон оиласлари суратларини юборишиди. Ўзига хос услуби, диди ва чиройли бадиий ёндашувлари сабаб уч суратчи – Кай Лёффелбайн, Агата Жиманска-Мадина ва Фериэл Бенжама танлов ғолиблари деб топилди.

“Зайтуна” Ислом университети

Туниснинг минг йиллик тарихга эга “Зайтуна” Ислом университети салкам эллик йилдан сўнг қайтадан иш бошлади. У ўтмишда Миср Араб Республикасининг “Ал-Азҳар” халқаро Ислом университети даражасидаги билим ўчоғи эди. Бу даргоҳда Ислом тарихи, фикҳ, ақоид, тафсир, араб тили грамматикаси ва тиббиёт фанларидан чукур сабок берилган. Университет айрим сабабларга кўра, 1964 йили ёпилган эди.

IIIамсиiddинхон Тошкентда таниқли дин арбоблари сулоласи – Бобохоновлар оиласида туғилди. Ўрта мактабни битириб, 1955 иили Тошкент чет тиллар институтининг инглиз тили факультетига ўқишига кирди. Аъло баҳоларга ўқиб, институтни битирганидан сўнг, аспирантурада қолди. 1961 иили собиқ иттифоқ Фанлар академияси Шарқшунослик институти (Москва) аспирантурасига ўқишига кирди. Москвада араб филологиясига қизиқиб қолди ва араб тилини ўрганишига кишиди.

ШАМСИДДИНХОН БОБОХОНОВ ИБРАТИ

1962 иили аспирантурада ўқиш билан бирга Москвада янги ташкил этилган Иттифоқ мусулмонлар ташкилотлари халқаро алоқалар бўлимида ишлай бошлайди. Кўп ўтмай унга Қоҳирадаги Ал-Азҳар университетида ўқишига йўлланма беришди. Мисрда ўқишини тугатиб, 1966 иили яна Москвага қайтиб, Иттифоқ мусулмонлар ташкилотлари халқаро алоқалар бўлимида ишлашни давом эттириди.

1973 йил июнда “Араб тилида иккиланган сонлар категорияси” мавзусида номзодлик ишини муваффақиятли ҳимоя қилди. Олий аттестация комиссияси қарори билан унга филология фанлари номзоди илмий даражаси берилди.

Шамсиддинхон собиқ Иттифоқ мусулмон ташкилотлари халқаро алоқалар бўлимида ишлаган йиллари мобайнида отаси Зиёуддинхоннинг содик ёрдамчиларидан бирига айланди. Хорижий мамлакатлар мусулмонлари билан халқаро алоқаларни ўрнатиш ва ривожлантириш ишларида фаол иштирок этди. Мамлакат мусулмонлари вакиллари таркибида халқаро диний анжуманларда қатнашиш, диндошларимиз ҳаёти билан танишиш учун бир неча бор чет эл сафарларида бўлиб қайтди. Шу тарзда у бошқа мамлакатларнинг диний ва жамоат арбоблари ва ташкилотлари билан танишиб, улар билан яхши алоқалар ўрнатди.

Россиянинг йирик шарқшунослари ва тилшунос олимлари билан мулоқотлари, дўстлиги

Шамсиддинхон ҳаётида ўчмас из қолдирди, устозларидан кўп нарса ўрганди. Кўп ўтмай ўзи ҳам шарқшунослик олимларнинг илмий давраларида танилиб қолди.

1974 иили Шамсиддинхон Бобохонов Ином Бухорий номидаги Тошкент Ислом Олий маъхадига проректор этиб тайинланди, орадан бир йил ўтиб эса ректор лавозимига кўтарилиди. Айни мана шу йиллари отаси муфтий Зиёуддинхон Бобохонов билан бирга малакали диний мутахассислар тайёрлашда алоҳида гайрат кўрсатиб ишлади. Кенг фикрли ва дунё кезган раҳбар бўлганидан олий маъхаднинг моддий-техникавий асосини ва илмий салоҳиятини мустаҳкамлашга алоҳида эътибор қаратди. Илм масканига энг моҳир, тажрибали дин олимлари, шарқшунослар ва тилшуносларни ишга таклиф этди. Улар маъхадда таълим олаётган талабаларда мусулмон мутахассисига хос чинакам инсоний фазилатларни шакллантиришди.

Олий маъхад раҳбари сифатида у турли мамлакатларнинг исломий ўқув юртлари, тадқиқот марказлари ва ташкилотлари билан яқин алоқалар ўрнатиб, ҳамкорликни мунтазам ривожлантириб борди. У ноширилик ишларига ҳам катта аҳамият берди. Ислом ўқув юртлари талабалари учун дарслик ва кўлланмалар нашр эттириди. Шахсан ўзи чет эллик ва ўрта осиёлик кўп олимларнинг илмий китобларини чукур ўрганди, таржима қилди. Мусулмонларнинг барча яхши ният-

ли одамлар билан бирга тинчлик, дўстлик, халқлар ҳамкорлиги йўлида ва илохий неъмат бўлмиш ҳаётни ядро ҳалокатидан асрар қолиш учун олиб бораётган курашларига бағишиланган қатор китоблар ва мақолалар ёзди. Айни шу йиллари исломий илм-фан олами доктор Шамсиддинхон Бобохонов салоҳиятини юксак баҳолаб, уни йирик олим ва дин арбоби сифатида эътироф этди. Шамсиддинхон марҳум отаси каби мусулмонларнинг Боку, Москва ва Тошкент шаҳарларида ўтган халқаро анжуманлари ташаббусчиси бўлди. Жаҳондаги энг йирик динлараро, халқаро анжуманларнинг ташкилий қўмиталарига аъзо бўлиб, улар ишида фаол иштирок этди. Ўзининг кўп мавъизаларида мусулмонларни пок исломий эътиқодни ёйишга, халқлар ўртасида тинчлик ва дўстликни мустаҳкамлашга, мутаассиблик ва террор-зўравонликка қарши курашга чақириди.

Шамсиддинхон Бобохонов Ўзбекистон Республикасининг давлат мустақиллигини, унинг жаҳон ҳамжамиятига тенгҳуқуқли аъзо бўлиб киришини катта қувонч ва кўтариқилик билан қарши олди. Кўпгина унга тенгдош одамлар яқин ўтмишни қўмсашга ёки иккиланишга берилишганида, Шамсиддинхон aka қатъият билан олдинга интилди.

Шамсиддинхон aka миллий истиқолимиздан кейинги йилларни унга Аллоҳ таоло ҳаётда ато қилган чинакам қимматли неъмат деб биларди. Мустақиллигимизнинг дастлабки йиллари Шамсиддинхон Бобохонов бир қатор мамлакатлар, жумладан, Миср Араб Республикасида, Саудия Арабистони Қироллигига, шунингдек, ўриндошлик асосида Жазоир, Баҳрайн, Кувайт ва Иорданияда Ўзбекистон Республикасининг Фавқулодда ва Мухтор элчиси бўлиб самарали ишлади. Ушбу араб мамлакатлари давлат бошлиqlари Ўзбекистон Республикаси элчиси Шамсиддинхон Бобохоновнинг ишонч ёрлиқларини катта хурмат билан қабул қилишиди.



Тажрибали элчи ҳамда Ўзбекистон ташқи ишлар вазирлиги маслаҳатчиси сифатида Шамсиддинхон Бобохонов республикамизнинг халқаро алоқалари ва дипломатияси ривожига салмоқли ҳисса қўши.

Яхши инсон тўғрисида ёзмоқчи бўлсанг, табиий равишда қандайдир юксак ва чиройли сўзлар, кутилмаган иборалар билан бошлагинг келади. Шамсиддинхон Бобохонов чинакамига ажойиб инсон эди. Шу боис ишонч билан таъкидлаш жоизки, дин ва давлат арбоби, олим ва дипломат сифатида у ҳеч қачон маълум бир тор доирада ҳаракат қилас, яъни умум қабул қилинган қолилларга сиғмас эди. У “қолилга сиғмас”, бунинг устига, хизмат мавқеи, ижодий ютуқлар ёки моддий бойликлар учун ўзига олдиндан қандайдир чегаралар қўйиб олмасди. Шамсиддинхон Бобохонов ҳамиша келажакка ишонч, қатъий интилиш билан яшар, бошқаларни ҳам ҳаётсеварликка чақиради.

Шунинг учун ҳам одатда ўтганлар шаънига гапириладиган умумий, “навбатчи”, “чиройли” сўзларни Шамсиддинхон акага нисбатан кўллаш ноўрин бўларди. Балки кимгадир муболаға бўлиб туюлар, аммо мен журъат билан: “Шамсиддинхон aka яхши ишлари билан ҳамон орамизда яшамоқда” деб айта оламан. Чиндан ҳам биз – қариндошлари, дўстлари ва ҳамкаслари орасида унинг кўз илғамас иштироки гўё давом этаётгандек туюлади.

Шамсиддинхон аканинг суратларини кўздан кечиранман, уларнинг аксариятида Шамсиддинхон акани олға интилаётган, шиддатли, тутқич бермас инсон қиёфасида кўрдим. Тасвирда муҳрланган бўлса-да, у гўё суратдан чиқиб кетадигандай қандайдир навбатдаги бир мўлжалга отилаётгандай кўринади. Шундай ўз-ўзидан кўнглимда бир истак туғилади: Аллоҳ таоло ҳар биримизга ҳаётда мана шундай ёрқин, доимо яхшилик сари интилишда, ҳаракатда, ҳамиша парвозда яшашни насиб этсин. Чунки бундай парвозда жисмоний эмас, балки маънавий парвоздир.

Амирсаидхон УСМОНХЎЖАЕВ

Куёш нурларидан савоб териб қол...

Эргаш ИБРОХИМОВ

БАХОР

Кишиңида ухлаб туриб,
Рутубатни ортга суриб,
Табиатни кийинтириб,
Келибсан-да яна, баҳор!

Барча эди орзуманда,
Бугун қувнаб, отар ханда,
Одатингни қилмай канда
Келибсан-да яна, баҳор!

Соғинч ҳислар қучоғида,
Бойчечак кулган чоғида,
Турналар аргимчоғида
Келибсан-да яна, баҳор!

Үргилайн Наврўзингдан,
Тенгкүр кеча-кундузингдан,
Хуш ифорли ялпизингдан,
Келибсан-да яна, баҳор!

Илиқ тафтинг танга ҳузур,
Кўнглим олар қуввату нур.
Висолингга етдим, шукр,
Келибсан-да яна, баҳор!

ТЎРТЛИКЛАР

* * *

Жаннатдан анқиган анбармисан, айт?
Ё кўқда балқиган қамармисан, айт?
Топиб бергин десам, дунё чарчади,
Мехрим, деб ёлборсам, қайтармисан, айт?

* * *

Бахтми яширинган умри камимда,
Армонми, кутганим ҳар бир дамимда.
Бахтга элтар йўллар бунча ҳам олис,
Ғамни учратаман ҳар қадамимда...

* * *

Умрни сарфладим вақтни сочишга,
Лек вақтим етмади баҳтни топишга.
Ё Раб, очик кўзни юммоқмикан баҳт?
Қайди кутар мени чўбин отли тахт?

* * *

Не баҳт, қисмат экан бўймоқ хонанишин,
Шукр қилдим, ўтаверди ёзу қишим.
Сўраганим сабру ризқу умр бўлди,
Барин берди. Сийлов билдим Ҳақнингишин.

* * *

Дунёни чин дунё деб ёлғонга алданибман,
Вафосиз гул ишқида куйлаган андалибман.
Эллигим уч бўлакдир, бири кечди уй ичра,
Шу бирда чинга етдим Ҳақэгами таниб ман.

* * *

Умр шунга жам қилмиш жумбоқила маънони:
Туғилиб, излаб топмоқ ўлимни – интиҳони.
Келарда мен йиғладим, кетар чоғимда – дунё,
Дунё мендан суюнди, мен сўймадим дунёни.

* * *

Раббим, мени тавфикингдан қилма нари,
Аввал-охир нафасимда шафиқим бўл.
Ҳар қадамда чалкаш дунё сўқмоқлари,
Жаннатингга йўл қўрсатар Рафиқим бўл.

* * *

Савдоли дунёда дунё-дунни кўй,
Тақводан яктак кий, зарбоф тўнни кўй.
Кўёш нурдан савоб териб қол,
Кун ботгач, уйкуга кафан тунни кўй.

* * *

Соғинч – дилни ҳисга тўлдирган гуллар,
Йўл қараган кўзни тиндириган йўллар.
Мехрни саробга илиниб кутсам,
Саробга умримни кўндириган йиллар!

* * *

Ердан баландроқми сен ўтирган кўшк,
Жаннат ифорини таратганинг мушк?
Севги сўраб менга қарама фақат,
Кўнглим кунжагидан тушиб қолган ишқ...

Абдувоҳид ЎРОЗОВ


РИЗО ИСТАБ КЕЛДИМ

Вужудимда ёнар оташ,
Синик кўнглим, эгик бошим.
Кечиксам ҳам тавба қилдим,
Сендан ризо истаб келдим.

Дунё дедим, чопдим-елдим,
Бисотимда эзгу иш йўқ,
Умрим ўтди, ҳавас дедим...
Сендан ризо истаб келдим.

Рахматингдан умидим бор,
Гуноҳим кўп, бўйин эгдим.
Тавбам қабул бўлдиму, Ёр,
Сендан ризо истаб келдим.

Ғафлат босган бир хастаман,
Кўнгли нотинч, ўзи беғам.
Аро йўлда шикастаман,
Сендан ризо истаб келдим.



ВАТАН НЕДИР

Ватан недир? Шу тупроқдир, она-замин,
Чумолилар, чирилдоқлар, қушлар бари.
Ўрмалайди, чириллайди, яйрар эмин,
Бир-биридан гўзал ҳаёт лаҳзалари...

Билмаганга билдиради, сабоқ берар
Ғарib қулба, ўтовларда момолари
Ҳали-ҳануз қизларга teng ип йигирар,
Эшкак эшар, қўй бокади боболари.

Ватан недир? Амир Темур, Жалолиддин,
Аму узра Темур Малик бандаргоҳи.
Ёйиларни сахро ичра адаштирган
Ёвқур Широқ бевасининг ўтли оҳи.

Ҳакимбекнинг Бойсуни у, Бойчибори,
Мадаминбек, Дукчи Эшон излари бор.
Бу тупроқка не йигитлар келар ҳали,
Туғилади Тўмарисдай аёллари.

Ватан недир? Ҳаёт билан кураш тушган
Оналарнинг танасида тўлган ойдир.
Бўғиқ-бўғиқ чинкирганча туғилган пок
Гўдакларнинг киндик қони томган жойдир.

Ёвқур юрак дарчасида, қалбда турган
Гўзал шуур, туйфу ўзи Ватан эрур,
Шу ер, осмон, ҳалқим, элим, отам, онам,
Суянганим, соғинчларим Ватан бўлур.

ОНАЖОНИМ

Бир беланчак тебранади,
Дард-аламдан кўнглим нотинч.
Ухлаб ётсам, уйғотади
Тонг саҳарлар келган соғинч.

Она, дейман тушларимда,
Гоҳ эркалик қилгим келар.
Бир гўдакман, кўз ўнгимда
Онам беланчакка белар.

Тиним билмас чопқир йўллар
Бедов отга ўхшайди-я.
Силкинади, толар кўллар,
Кўнгил дийдор кўмсайди-я.

Мен ёлғизман, онажоним,
Душман чалиб йиқитганда,
Кулар менга чин дўстларим,
Она, сизни унутганда.

Унутмайди, унутмасман,
Қалбимда сиз яшайверинг.
Сиз тириксиз, ғам чекмасман,
Онажоним, дуо қилинг!



МАЊАВИЙ ТАХДИДЛАР ВА МИССИОНЕРЛИК

Kейинги йилларда юртдошлиаримизни бузгунчилик, қўпурвучилик, соҳта тариқатчилик, миссионерлик сингари гуруҳлар фитнасидан огоҳлантириши ниятида бир қанча китоблар чоп қилинмоқда. Бу асарлар халқимиз, айниқса, ёшларимиз учун муҳим аҳамият касоб этади.

2011 йили “Мовароуннаҳр” нашриётида тайёрланган «Мањавий таҳдидлар: миссионерлик ва прозелитизм (мохияти, келиб чиқиши, шакллари, муаммолар)» китобининг ҳам бу борадаги аҳамияти катта. Китоб Ўзбекистон Республикаси Фан ва технологиялар тараққиётини мувофиқлаштириш қўмитасининг гранти асосида чоп этилган. Уни Имом Бухорий халқаро маркази директори ўринбосари, фалсафа фанлари доктори Бахтиёр Тўраев бошчилигига ижодий гуруҳ, ушбу соҳанинг етук мутахассислари тайёрлашган.

Асар оммабоп тилда ёзилган, унга кўп китобхонларни қизиқтирган маълумотлар жамланган. Биринчи бобда мамлакатимизда давлат ва дин муносабатлари борасида олиб борилаётган демократик ўзгаришларнинг мохияти ҳамда диний маърифатни юксалтириш соҳасида эришилаётган ютуклар ва

диний сиёсатнинг ҳуқуқий асослари таҳлил этилган. Ушбу бобнинг кейинги қисмида диний қадриятлар мањавиятимизнинг ажралмас бўлаги экани, унга қарши қаратилган таҳдидлар батафсил таърифлаб берилган.

Навбатдаги бобда мањавий ҳужумларнинг турлари, шакллари ва унинг асосий йўналишлари ҳақида маълумотлар ўзига хос тарзда илмий тасниф қилинган. Жумладан, бундай келтирилади: “Бузғунчилар, миссионерлар ...жамият ҳаётининг барча жабҳаларига путур етказиши, жамият бошқарувида тартибсизлик ва парокандаликни вужудга келтириши, ижтимоий кучларни бир-бирига қарама-карши гуруҳларга ажратиб ташлаши, ижтимоий қатламлар, миллатлар, динлар ва конфессиялараро зиддиятларни туғдириши, мамлакатнинг ижтимоий барқарорлигини бутунлай издан чиқариши мумкин”. Шу бобнинг иккинчи қисмида мањавий таҳдидларнинг алоҳида бир тури – миссионерлик ва прозелитизм ҳақида ҳам маълумот берилади. Бобнинг учинчи қисмида эса миссионерликнинг вужудга келиши, ривожланиш тарихи ҳамда уларнинг Ўзбекистон ва Марказий Осиёдаги фаолияти таҳлил қилинган.

Миссионерликнинг тарғибот воситалари, усусларини ёритишга бағишиланган бобда уларнинг таъсир этиш усуслари, қўлланмаси, молиявий манбалари, тарғибот йўналишлари, салбий оқибатлари ҳақида маълумотлар келтирилиб, уларга қарши кураш борасидаги муаммолар таҳлил қилинган.


Миссионерликка қарши курашнинг мањавий-маърифий ва ҳуқуқий асослари батафсил ёритилган бобда ёшларни уларнинг чан-



ИМОМ НАВАВИЙ

Хадис илми шаклланиши ва ривожланишида буюк хизмат қилган муҳаддислардан бири Имом Нававийдир. У зотнинг тўлиқ исми Яхё ибн Шарафиддин ибн Муррий ибн Ҳасан Ҳузомий Ҳуроний Нававий бўлиб, лақаби “Абу Закариё”дир.

Олим 631 йили мұхаррам ойинда Дамашқ яқинидаги Наво шаҳрида дунёга келади. Ёшлигига ёк Қуръони каримни ёд олади. Ўн тўқиз ёшида Дамашқдаги “Равохия” мадрасасига ўқишига киради. Бу ерда Исҳок ибн Аҳмад Мақсидийдан фикҳ бўйича таълим олади. Диний илмлардан ташқари бошқа соҳаларни ҳам ўрганади. Таҳсилни тутатгач, Дамашқдаги “Дорул ҳадис ал-ашрафия” мадрасасида дарс берга бошлайди.



Имом Нававий тақволи, парҳезли киши эди. Асосий вактини тоат-ибодат, илм олиш ва таълим беришга бағишлайди. Аллоҳ таоло у кишига зийрак қалб, кучли хотира ва ўтқир зеҳн ато этган. Имом Муслим “Саҳих”ига ёзган шархи Имом Нававийнинг шоҳ асари ҳисобланади. Олим ҳар бир ҳадисга моҳирона шарҳ битиб, унинг мазмун-моҳиятини кенг тушунтириб беради.

Имом Нававий жуда кўп асарлар ёзди. Уларнинг кўпи ҳадис илмига доир. “Шархул саҳиҳи Муслим”, “Иршод”, “Таҳзибул асмо вал лугат”, “Ат-Тибён фи одоби ҳамлатил Қуръон”, “Минҳожут толибин”, “Бўстонул орифин”, “Арбаъин”, “Риёзус солиҳин” ва “ал-Азкор” каби китоблар шулар жумласидан. “Арбаъин”, “Риёзус солиҳин”, “Ал-Азкор” ва “Бўстонул орифин” ўзбек тилига таржима қилиниб, нашр этилган.

Имом Нававий (Аддоҳ ракҳат қиссини) ҳижрий 671 йили ражаб ойининг 24 куни дунёдан кўз юмди ва она юрти Дамашққа дафн қилинди.

Тошкент Ислом институти талабаси
Бобур ТОШПЎЛАТОВ
тайёрлади.

Бахтиёр КАРИМОВ
("Ўзбекистон адабиёти ва
санъати" газетасининг
2012 йил 5-сонидан қисқартириб олинди)

Ислом тарихида “Ал-Мабсут” номли асарлар кўп ёзилган. Масалан, Абу Юсуф (вафоти ҳижрий 182 й.), Мухаммад ибн Ҳасан (вафоти ҳижрий 189 й.)¹, Абу Лайс Самарқандий (вафоти ҳижрий 375 й.), Абу Шужъо (вафоти беш юз йил олдин), Носириддин Самарқандий (вафоти ҳижрий 556 й.), Шамсулаймма Ҳалвоний (вафоти ҳижрий 448 й.), Хоҳарзода² (вафоти ҳижрий 483 й.), Абулиуср Паздавий (вафоти ҳижрий

ибн Аҳмад Сарахсийнинг шу номдаги асари назарда тутилган. Сарахсий кўп ўринларда “Соҳибул Мабсут” деб келтирилади⁴.

Сарахсийнинг бу асарига машҳур олим Абу Фазл Мухаммад ибн Аҳмад Марвазийнинг (вафоти ҳижрий 334 й.) “Кофий” китоби асос бўлган. Олим бундай ёзади: “Мен яшаган замонда илмлар толиби бир неча сабаблар билан фикҳдан узоқлашишларига гувоҳ бўлдим. Шу боис “Мухтасар”га шарҳ

“АЛ-МАБСУТ” – ФИҚХ ҚОМУСИ

493 й.), Фахрулислом Паздавий (вафоти ҳижрий 482 й.) каби олимларнинг ҳанафий мазҳабига оид шу номдаги асарлари бор. Шунингдек, шофиъий, моликий мазҳабидаги олимлар Абу Осим Ибодий (вафоти ҳижрий 485 й.), Абу Ҳафс Шофиъий (вафоти ҳижрий 243 й.), Абу Бакр Байҳақий (вафоти ҳижрий 458 й.), Ибн Арафа Тунисий ҳам (вафоти ҳижрий 803 й.) “Ал-Мабсут” битгани айтилади. Мухаммад Самарқандийнинг қироат илмларига, Абу Абдуллоҳ Бухорийнинг ҳадисшуносликка, Абу Ало Розий ҳамда Носириддин Самарқандийнинг тилшуносликка доир “Ал-Мабсут”лари ҳам маълум³. Шундай бўлса-да, “Ал-Мабсут” дейилганида биринчи навбатда Мовароуннахрда яшаб, ижод этган (XI аср) забардаст факих Абу Бакр Мухаммад



ёзиб, ҳар бир масалани ёритишида керакли маънодан ортиқча нарсанни қўшмасликни, ҳар бир бобда ишончли бўлган маълумотлар билан чекланишни мақсаддага мувофиқ топдим”⁵. Демак, Сарахсий ушбу асарида ўзигача

фиқҳ масалаларига мансуб китобларнинг асосий мазмунини жамлашга ҳаракат қилган ва Ислом ҳуқуқшунослигининг деярли барча соҳаларини қамраб олган.

Сарахсий ростгўйлиги, адолатпарварлиги сабабли душманларининг тухматига учраб, зиндонбанд этилади. Аммо ҳеч бир тўсиқ унинг чукур тафаккури ва ўткир зеҳнига панд беролмайди. Асарнинг кириш кисмida келтирилган маълумотларга кўра, муаллиф уни зиндонда ёзган. “Ал-Мабсут”ни ёзиш жараёнида Сарахсий ёдида қолган маълумотларга асослангани унинг хотираси жуда кучли бўлганидан далолат беради⁶.

¹ Мухаммад ибн Ҳасандан турли йўллар билан Мабсут ривоят килинган ва уларнинг энг машҳури Абу Сулаймон Жузжонийникидир. Муаълумотларга кўра, Мухаммад ибн Ҳасаннинг *Мабсугтига* имом Шофиъий ҳам катта баҳо бериб, уни ёд олган.

² Унинг иккита Мабсут ёзгани ва уларнинг бири 15 жилдан иборат бўлгани айтилади.

³ Ҳожи Халифа. “Кашғуз зунун ътан асомил қутуб вал фунун”. Иккинчи жуз. Байрут: “Ихъёт турсосил арабий”, 1581 – 1583-бетлар.

⁴ Қори Али ибн Султон Мухаммад. “Ал-асмор ал-жанийа фи асмъиъл ҳанфийя”. Бетна: “Худобахш”, 2002. 268-б.

⁵ Сарахсий Мухаммад ибн Аҳмад. “Мабсут” (المبسوط). Биринчи жуз. – Байрут, “Дор ал-маърифа”, 1989. 4-б.

⁶ Судуний, Зайниддин Қосим ибн Кутлубоғ. Таржимаи холлар този (تاج التراجم). – Байрут: Дор ул-қалам, 1992. – 234 - б.

ЖАҲОН ОРО БЕГИМ

Олим хукмларни Қуръони карим, ҳадиси шариф, осор, қиёс ҳамда истехсон асосида далиллайди. Ихтилофли масалаларда машхур уламоларнинг фикрларини солишириб, таҳлил қиласди. Жумладан, Абу Ҳанифа, Имом Молик, Абу Юсуф, Муҳаммад ибн Ҳасан, Имом Шоғиъий, Ҳасан ибн Зиёднинг турли фикрларини келтириб, уларнинг моҳиятини тушунтиришга ҳаракат қиласди.

Бу асар кўп нусхаларда кўчирилган ва кенг тарқалган. ЎзФА Абу Райхон Беруний номидаги Шарқшунослик институтида китобнинг бир неча кўлёзма нусхалари сақланади. Жумладан, 3183, 3114, 5957, 5880, 5981, 2706, 6762 рақамлари остида китобнинг турли қисмларига доир кўлёзмалар мавжуд. Уларнинг ичидаги 3114 рақам остида сақланётган нусха асарнинг бешинчи боби бўлиб, 344 бетдан иборат. Кўлёзмада кўрсатилишича, у Ўзганда 1705 йили кўчирилган. Асарнинг яна бир нусхаси Қоҳирадаги араб кўлёзмалари институтида 152 рақами остида сақланади. Маккадаги Ҳарам кутубхонасида ҳам 154 рақами билан сақланётган бир нусхаси бор.

Сарахсийнинг “Ал-Мабсут” китоби фикр бўйича энг муҳим китоблардан саналиб, Ислом ҳукуқшунослигига хос кўплаб масалалар ва уларнинг ечимлари юзасидан баҳс юритади. Барча мусулмон мамлакатларида кенг қўлланилган ушбу асар ҳанафий мазҳабимизнинг энг қимматли манбаларидан биридир.

Абдумалик ТЎЙЧИБОЕВ,
Тошкент Ислом
университети тадқиқотчиси

Жаҳон Оро бегим Захириддин Муҳаммад Бобурнинг чевараси Шоҳ Жаҳоннинг катта қизидир. У 1614 йили туғилган. Отаси Шоҳ Жаҳон таҳтга ўтирганида (1628 йили) Жаҳон Оро бегим 14 ёшда бўлган. Онаси Мумтоз Маҳалдан ўн етти ёшида қолган Жаҳон Оро бегим шоҳ оиласини ўзи бошқарган. Отаси уни жуда яхши қўрарди.

Харажатлари учун йилига каттагина нафақа белгилаган эди. Суюкли аёли Мумтоз Маҳал бегимдан қолган мулкни ҳам унга топширади.

Оқила малика ака-укалар ўртасидаги келишмовчиликларни, отаси билан укаси Аврангзеб орасидаги можароларни усталик билан ҳал қила оларди. Саройда обрӯзътибори кундан кун ортиб, онаси Мумтоз Маҳал бегимнинг мавқеини эгаллади. Салтанатни бошқаришда, ички ва ташқи сиёsat масалаларида отасига фойдали маслаҳатлар берди. У ҳам катта бобоси шоҳ Бобурга ўхшаб меъморлик ва ободончилик ишларига қизиқарди. Аградаги жоме масжид лойиҳасини ўзи ишлайди. Дехли, Сурат, Амбола, Бехал ва Панипат шаҳарларида карвонсаройлар қурилишига бош бўлалиди. Лохурда эса катта боғ бунёд эттиради. Камбағал ва факирлар учун уйжойлар курдиради. Шунингдек, Кашибирда “Пари Маҳал” (Парилар саройи) боғини барпо эттиради.

Шаҳдононободда Алимарлонхон ариғини қаздириб, нақшинкор ҳовуз барпо эттиради.

Ақл-идрокли малика адабиёт шайдоси бўлиб, ғазаллар ҳам машқ қилган. Манбаларда Жаҳон Оро бегим “Рисолаи соҳибия” (Дўстлик ҳақида рисола) асарининг муаллифи экани қайд этилади.

Аврангзеб Оламгир замонида салтанатда ҳар хил келишмовчиликлар юзага келади. Саройдаги бу можаролар ва дўстлар орасидаги низолар Жаҳон Оро бегимни қаттиқ изтиробга солади. Шувоқеалар сабаб малика салтанат ишларидан воз кечиб, хаста отасининг хизматини қиласди. 1666 йили Шоҳ Жаҳон суюкли қизи қўлида ҳаётдан кўз юмади.

Жаҳон Оро бегим шоҳ қизи бўлса-да, камтар ва химматли эди. Олтмиш етти ёшида вафот этган малика (1681 йили) Дехлидаги Зарзари Баҳш қабристонига дафн қилинади.

*Тошкент Ислом
институти талабаси
Муқаддас МИРЗАЕВА
“Темурий маликалар”
китоби асосида тайёрлади.*



БРИТАНИЯ КУТУБХОНАСИ

Лондондаги Британия кутубхонаси Бирлашган Қиролликнинг фахри хисобланади. Ушбу миллий кутубхона дунёдаги энг қадимий ва катта китоб хазиналаридан биридир. 1753 йили Ханс Слоун ўрта асрларга доир инглизча, лотинча кўлёзмаларни йиғишга киришади. Шу асосда кутубхонага тамал тоши қўйилади. Эдуард IV ва Георг II ҳам бу ишга хисса кўшган. 1823 йили Георг III хазинани олтмиш беш минг китоб билан бойитди. Ўқув зали 1850 йили очилган.

Ҳозир кутубхонада бир юз эллик миллиондан ортиқ нусхада қадимий китоб, харита, газета, журнал, кўлёзма, нақш, расм, мусика ёзуви, марка, тарихий хужжат ва ҳоказолар сақланади. Жаҳон тилларининг деярли ҳаммасида битилган нодир асарлар бор. Кутубхона дунёнинг турли бурчакларидан мунтазам китоб харид қиласи, ҳар йили хазинаси уч миллион нусхага кўпаяди.

Бу ерда қадимий ҳалқлар тарихи ва маданиятига доир икки минг йиллик тарихга эга асарлар бор. Қуръони

каримнинг кийик терисига кўчирилган вараклари кутубхонанинг энг ноёб дурдоналаридандир.

Кутубхонага илгари фақат сиёсий арбоблар ва олимлар киритилар эди. Энди паспорт кўрсатилса бас, ҳамма хоҳлаган адабиётидан фойдаланиши мумкин. Зааридан сақланиш мақсадида ручка ман этилган, фақат қалам ишлатиш мумкин. Бир кунда ўн олти минг ўқувчи ташриф буюради. Бюджети бир юз қирқ миллион беш юз минг фунт стерлинг. Ҳозир кутубхона раҳбари Линн Бридли. Бир минг тўққиз юз етмиш етти нафар ходим хизмат қиласи.


Кутубхона имкон қадар янги технологиялар асосида ишлашга ҳаракат қиласи. Ҳозир адабиётлар тўпламларини архивлаштириш, нусха олиш ва интернетга киритиш лойиҳаси устида ишланмоқда. XVIII–XIX асрларга тегишли қирқ минг китобнинг электрон нусхалари тайёр бўлган. Улар ичida романлар, диний ва тарихий хужжатлар ҳам бор. Китобларнинг электрон нусхаси-

дан фойдаланиш учун ойига бор-йўги икки фунт стерлинг тўланади.

Кутубхона илгари Британия музейи ичкарисида эди. 1998 йили Сент-Панкраси мавзеидаги янги бинога кўчирилди. Бинонинг майдони бир юзу ўн икки минг квадрат метр. Ероғи қаватлари чуқурлиги йигирма тўрт ярим метр. Ўн тўрт қаватли бинонинг беш қавати ер остида. Қурилишига ўн миллион дона ғишт ва бир юз саксон минг тонна семун кетган. Бино ўртасидаги ойнаванд устунда энг нодир китоблар сақланади. Ўқувчилар ушбу ойнали устун атрофидаги айлана залда мутолаа қиласи. Олинаётган китоблар ташқаридан яққол кўриниб туради.

Кўлёзма ва босма китоблар, газета ва журналлар тўпламлари кўп келтирилаётгани боис Англия шимолидаги Йоркшир мавзеида кутубхонанинг янги бўлими қуриляпти.

Азиз ҲАКИМОВ
тайёрлади.



Tотувлик, аҳил-иноқлик халқимизнинг қон-қонига сингиб кетган фазилат. Иккинчи жаҳон уруши йиллари халқимиз минглаб бошпанасиз болаларни бағрига олди. Советлар сиёсати туфайли юртидан сурғун қилинган қанчадан-қанча одамлар бу заминдан бошпана топди.

АҲИЛЛИКДА ХИКМАТ КҮП

Ўзбекистон кўпмиллатли давлатлар қаторига киради. Юртимизда бир юз ўттиздан ортиқ миллат ва элат вакиллари яшайди. 1992 йили ташкил этилган Республика байналмилал маданият маркази ўзига хос дўстлик уйига айланган. Бу маскан Ўзбекистондаги миллий-маданий марказлар фаолиятини мувофиқлаштириб, уларга ҳар томонлама ёрдам кўрсатади.

Асосий Қонунимизда ҳам бошқа миллат вакилларининг ҳақ-хукуқлари кафолатланган: “Ўзбекистон Республикаси ўз худудида истиқомат қилувчи барча миллат ва элатларнинг тиллари, урф-одатлари ва анъаналари ҳурмат қилинишини таъминлайди, уларнинг ривожланиши учун шароит яратади” (*Ўзбекистон Республикаси Конституцияси, 4-модда*).

Зеро, Юртбошимиз маърузаларидан бирида: “Ўзбекистоннинг бойликлари кўп, лекин бизнинг энг катта бойлигимиз, энг юксак қадриятимиз – жамиятимизда ҳукм суроётган тинчлик, миллатлараро дўстлик ва ҳамкорликдир”, дея таъкидлаганлар.

Юртимизда турли миллат вакилларининг тили, маданияти ва урф-одатларини авайлаб асрашга ҳамда ривожлантиришга хизмат қиласиган миллий-маданий марказлар сони йилдан-йилга кўпайиб бормоқда.



1989 йили ўнга яқин миллий-маданий марказ фаолият кўрсатган бўлса, 1995 йилга келиб, улар сони етмишга, 2000 йилда эса 100 тага етди. Ҳозир мамлакатимизда 140 дан ортиқ миллий-маданий марказлар фаолият кўрсатмоқда. Уларнинг эшиклари барча миллатдаги юртдошларимиз учун очиқдир.

Бундай юксак даражадаги эътибор натижасида халқларнинг бой тарихий-маданий мероси қайта тикланди, қадр топди. Барча миллат вакилларининг давлат бошқаруви, иқтисодий, ижтимоий ҳамда маданий жараёнларда кенг ва эркин иштирок этиши кафолатланди. Бундан ташқари, умумтаълим мактабларимизда таълимни етти тилда олиб бориш йўлга қўйилгани, кўп сонли миллатлар тилида газет-журналлар чоп этилаётгани, радио ва теледастурлар эфирга узатилаётгани алоҳида эътиборга лойик.

Яқинда республикамизда Байналмилал маданият маркази ташкил этилганининг 20 йиллиги кенг нишонланди. Шу муносабат билан миллий-маданий марказларнинг бир гурух фаоллари давлатимизнинг фахрий

унвон, орден ва медаллари билан тақдирланди.

Қишимтатар халқининг атоқли фарзанди, Украина Қахрамони, Қишим давлат индустрисал-педагогика институти ректори, Ўзбекистонда хизмат кўрсатган фан арбоби Февзи Ёқубов бундай деб ёзади: "...Эзгулик, тинчлик, яқинларга меҳр-муҳаббат туйғулари борасида гапирадиган бўлсак, албатта, биринчи қаторга Ўзбекистонни ёзиш зарур. Агар инсоний қадриятлар масаласида халқлар ва мамлакатларга баҳо бериладиган бўлса, шубҳасиз, энг юксак баҳога ўзбек халқи ва Ўзбекистон сазовор бўлар эди".

Оврупада хавфсизлик ва ҳамкорлик ташкилотининг оз сонли миллатлар бўйича олий комиссари Кнут Воллебек Байналмилад маданият марказида бир неча бор меҳмон бўлган. Ўзбекистонда оз сонли миллат вакилларига ўқиш, ўз маданиятларини ривожлантириш борасида яратилган шароитларни кўриб, бу тажрибани бошқа давлатларга ҳам ёйиш керак, деган фикр билдирган. Жаҳонда миллий-этник муносабатлар мураккаблашиб, энг илғор давлатларда ҳам оз сонли миллат вакилларини камситиш ҳолатлари кузатилаётган бир пайтда, 130 дан ортиқ миллат ва элат вакиллари ахил-иноқ яшаётган Ўзбекистон чиндан ҳам бошқаларга намуна бўлишга арзиди.

Ватан тараққиёти йўлида тинчлик ва барқарорликни сақлаб, мамлакат Конституциясида мустаҳкамланган кафолатлардан фойдаланиб, бир оила фарзандлари каби қўлни қўлга бериб яшаш ва меҳнат қилиш барчамизнинг бурчимиздир.

Насриддин МУҲАММАДИЕВ,

Республика Байналмилад маданият маркази директори,
Ўзбекистонда хизмат кўрсатган маданият ходими

ФОЛИБЛАРНИ ҚУТЛАЙМИЗ

Ҳадиси шарифларда кишиларнинг яхшиси эл-юртга кўпроқ фойда келтирувчиси экани айтилган. Зотан, тадбиркорлар сабаб қанча-қанча одам ишли бўлиб, рўзгорига барака киради. Истиқлол йилларида ишбилиармонларга кенг йўл очилди. Бу соҳага берилаётган эътибор, яратилган қулай шароитлар натижасида йилдан-йил иқтисодиётимиз жадал ривожланмоқда.

Ўтган йилнинг "Кичик бизнес ва хусусий тадбиркорлик йили", деб эълон қилингани ҳамда маҳсус дастур бўйича улкан ишлар амалга оширилгани ушбу йўналиш ривожини янги босқичга олиб чиқди. Президент соврини учун ўтказиладиган анъанавий "Ташаббус" кўрик-танлови эса ишбилиармонларга янги имкониятлар эшигини очмоқда. Бу йилги кўрик-танловда етти мингдан ортиқ тадбиркор, фермер ва ҳунарманд қатнашди. Ви-



лоят босқичида ғолиб бўлган иштирокчиларнинг қирқ бир нафари кўрик-танловнинг мамлакат босқичида беллашдилар. Танлов ғолиблари аниқланишидан олдин пойттахтимиздаги "Туркистон" саройида улар ишлаб чиқарган маҳсулотлар кўргазмаси ташкил этилди. Ўттизинчи март куни "Туркистон" саройида танловнинг якуний босқичи бўлиб ўтди.

"Энг яхши тадбиркор" йўналиши бўйича Жиззах вилоятидаги "Жиззах – Кўҳинур" хусусий корхонаси раҳбари Холисхон Бобоева, "Энг яхши фермер" йўналишида Қашқадарё вилояти Қарши туманидаги "Баҳт" фермер хўжалиги раҳбари Иброҳим Холёров, "Энг яхши ҳунарманд" йўналишида эса Фарғона вилояти Риштон туманилик ҳунарманд Мирзомасҳар Акромов биринчи ўринга муносаб – ғолиб деб топилди.

Голибларга Президент совринлари – "Spark" автомобиллари ва бошқа мукофотлар топширилди.

Муҳаммад СИДДИК